

翁東涯集目錄卷之八

疏四

及時修武攘夷安夏以光

聖治疏

條陳邊務以裨安攘疏

保留給由方面官員疏

指稱衙門侵使柴衛官錢疏

及時修武攘夷安夏以光

聖治疏

虜中走回人口疏



翁東涯集卷之八

揭陽翁萬達仁夫

疏四

及時修武攘夷安夏以光 聖治疏

據守巡翼北道參議李磐僉事江南呈稱東陽河
新平堡設在極邊一隅每歲官軍月糧折色六
箇月徑赴戶部管糧衙門關領本色與夫擺邊
兵馬行糧料草爲數不多若欲設官鑄印不無
轉滋冗費相應比照鎮平等堡事例凡一應錢

東漢集卷八
糧責成坐堡經手收放仍聽東路管糧通判提
調稽查誠爲簡便應援一節須照原議責之宣
府西路西陽河列營人馬咫尺之間易於速集
況賊若犯東陽河新平等堡其所向之方當是
宣府境內應援亦自爲謀耳至若大同應援之
兵似又無待於言者但相去頗遠須行一二日
方得到彼原議欲借援於宣府者爲此遠而彼
近耳非謂大同不應援等因到臣案照先准兵
部咨該臣并宣大撫鎮等官會題前事本部議

看鐵裏門鷓鴣峪一帶原有二邊邊牆一道倘
有不堪但加修築低者增高薄者增厚補其缺
略治其頽壞亦足以爲一方之保障何必舍大
邊十餘里之牆而不爲棄二邊百餘里之險而
不守乃復於三邊內重築一百三十餘里之垣
開山鑿石添墩築堡工力財用相去奚啻數十
倍哉況時詘舉羸已非得已苟財力可省尤所
當惜及據前項天城陽和界內旣該添設墩堡
官軍即當建立倉場官吏庶月支歲放旣便於

人情事體亦安不然官軍既隸於大同錢糧又屬之宣府不惟稽考之難亦且紛爭易起茲當首事之初姑令宣府暫時代辦要之不可爲常也至於防守之兵責之本堡官員無容別議而應援之兵又當視賊勢緩急何如耳如賊止犯本處兩鎮別無聲息豈特宣大應援而已雖各邊調到客兵亦自不容少緩假令并犯宣府則大同應援爲急如并犯大同則宣府應援爲急若先事一有所拘而臨事則有所諉兵革之際

易相推托將不免於誤事合候

命下本部移

咨翁萬達即將新建東陽河新平堡外原議修三十五里邊牆查照前旨專責總兵官周尙文依期嚴加修築二邊內鐵裹門一帶邊牆嚴加修補俱圖堅厚久遠足堪保障其餘剩銀兩除照數扣給宣府修理外餘俱扣筭明白發寄官庫不許別項花銷今所議修三邊開山口至水磨口轉折東北臂山一帶土石牆垣俱宜停罷仍轉行兩鎮撫鎮等官將新設東陽河新平

等堡合用糧草暫令宣府西路通判代辦候建
立倉場官吏照依原屬大同東路通判管理其
策應兵馬視兩鎮聲息之有無及該堡賊勢之
緩急互相應援不得自分彼此得以藉口自諉
庶不誤事等因具題節奉 聖旨這宣大兩鎮
脩築邊牆既經總督衙門會同各撫鎮等官親
履地方相計停當都只照侍郎翁萬達今次議
奏舉行兩鎮遇警應援及諸未盡事宜仍著翁
萬達悉心再議奏來欽此欽遵備咨到臣已經

通行去後今准前因切照宣大前項修邊事宜

節該臣親詣兩鎮適中去處公同巡撫都御史

詹榮孫錦及總兵官周尚文趙卿守巡口北冀

北四道叅議等官蘇志臯李磐等逐一從長勘

議俱已較一罔有異同本兵覆議內言臣等舍

大邊十餘里之牆而不為棄二邊百餘里之險

而不守時詘舉贏財力當惜欲止將大邊脩築

二邊修補三邊一帶俱行停罷及稱錢糧易起

紛爭應援易相推托各一節臣惟修邊為守邊

也使不可守則亦不必修矣大同大邊東陽河
新平堡之北有牆十里乃叅議蘇志臯去年所
修築以助大同者在山之顛水泉不便去堡且
遠擺守爲艱臣方惟志臯不度形勢而爲之故
改築於山麓之下而約則費省而守易非舍之
也嘗考宣府近年所爲儲政志內載有前項地
方築垣助功之議大略所見與志臯同志臯會
議之時亦曾以此白之臣矣臣叅衆論已力譬
之其可遽以爲斷案而必欲見之於施行邪又

該部所指鐵裹門鶻鴿峪一帶原有二邊則大
同原送圖本欠明之故耳圖載二邊即所稱山
口去秋賊入之處也陽和天城山口數多原有
垣塹然前年賊由此而出去年賊由此而入官
軍幸莫之能抗者山口阻深岡崖壅隔列戍之
卒限於一隅彼此斷絕聲援不按而沉虜騎登
高最稱利便一處潰防則諸口之兵盡爲守穴
鼠矣如去秋鐵裹門之官軍不能移救鶻鴿峪
咫尺之難蓋其驗也察前慮後故議修山南三

邊五十餘里亦以陽和迤西數百里所守者皆
三邊欲遂通爲一道便於防秋耳防秋之時山
南有牆可據即賊或攻我之東則量移西者攻
我之西則量移東者隨其向往聚寡爲衆併力
堵禦他處列營應援之兵亦且刻期可集如去
秋宣府張家口之戰亦其驗也何者假如以萬
人守十隘口則一隘口僅得一千人以萬人守
邊牆則五十里邊牆常有一萬人之力蓋通阻
之勢異也況修砌二邊則必自開山口起至

家溝止自西而東另爲一道即山北二十八里
之工亦不連屬其與先後二次所議首尾皆衡
決矣按圖不如目睹懸度不如親見幸蒙

聖明俯從臣等得終其事恃以爲守臣不敢復

贅至於官兵之應援錢糧之召買則臣於前疏

亦略言之意以宣大之互相應援者爲常事而
新平等堡築有倉場之日召買糧草可徑自處
分也夫應援之兵視聲息之有無緩急即陝西
山西順天保定等處且有時而亟調亟趨不特

宣府之應援大同大同之應援宣府而已本兵
所論已極詳盡亦係事例節經有行但大同東
路山北東陽河橫直邊牆二十八里連接宣府
西路之西陽河係一膜之地舊又有西路防秋
列營馬軍其去大同東路山南之天城陽和則
隔阻高山六七十里或百二三十里險仄難行
舊又無東路防秋列營馬軍倘賊犯東陽河而
必待大同他處列營之兵歷天城陽和踰山北
以爲援其勢必遲一二日安知一二日之內不

困敗于賊手邪若西路西陽河之兵則呼吸可
至應援甚便即賊勢重大亦賴以支持一時夫
然後遠者可及繼矣前疏所陳蓋自大同東陽
河一處孤懸於外者言之非敢昧於彼此緩急
應援之通例也設使臣與撫鎮諸臣常川在彼
應援之事何待再三惟其不能親自督臨慮恐
該路叅守而下官員自分彼此不知有同室纓
冠之義故欲題奉 欽依示之以利害耳合無
自今以後每遇防秋列營應援之兵仍責宣府

之西路而擺守之兵則東西陽河相為犄角平時零賊倘有侵犯亦要彼此協力不許推托致誤事機乃若諸鎮互援便宜係臣總督首務當再申明不敢輕忽自取撓敗其新平等堡見已蓋有營房倉場糧料草束照依巡撫都御史詹榮所議仍屬大同東路通判提調隨宜召買北路鎮河鎮川鎮虜滅虜破虜拒馬拒胡等堡事體止責守堡官收守放支不必另設官攢致滋勞費惟復別 賜定奪伏乞 勅下該部再加

詳酌上 請施行謹題請 旨

條陳邊務以裨安攘疏

據山西布按二司守巡冀北道叅議李磐僉事江南會同守巡口北道叅議蘇志皐僉事程綬呈稱查議得宜大偏保總督與陝西固原總督事同一體而宜大二鎮屏蔽 京師總督軍門兼理糧餉視之固原地方為尤重事務為尤劇而責任為尤難也固原有添設兵備副使一員及有鎮守總兵官所領正兵一枝遊擊所領遊

兵一枝在彼駐劄每遇防秋軍門又取布按二司各道官二三員跟隨委用宣大總督開府朔州雖有冀北口北守巡二道相去甚遠且有職掌事務時遇撫按出巡一應錢糧刑名等項幹辦尚不能周勢自難以摘離前赴軍門聽委總督大臣職專提綱挈領畫一便宜其餘一應事務並宜付之屬官乃今既無兩司官員而先年戶兵二部贄畫買糧郎中主事又俱取回凡百獨自經營非但過於勞瘁且非 朝廷任用大臣

之體委宜比照固原添設兵備副使分理錢穀甲兵及一應事務該用俸糧柴薪馬夫鹽價照依山西按察司協堂副使就於本司支領日用厚給小菜等項於城東驛供應門皂於臨近州縣均徭內僉派及查得朔州城舊設分司一所年久間有損壞行令司府動支無礙官銀專官修葺居住仍該於陽和城剗立分司 所行據大同府通判周鳳鳴估計合用木石甗瓦石灰匠作工食共該銀四百三十二兩一錢五分至

於添設兵馬一事揆之事理亦為相應蓋軍門以用兵為專務者也宣大偏保各鎮合行摘選尖兒手通事夜不收與各處義勇共二三千名仍乞奏請差官前去北直隸揀選善射者并保定達舍共二三千名豐其委積厚其犒賞與前項人役相叅克為二營每營選委素有謀勇都指揮一員管領仍選把總一員并管隊管哨官旗在於適中朔州城駐劄常川操練有警隨同軍門向往便於戰守其合用鞍馬軍裝什物

於北直隸及山東河南山西各省徭編快手民壯內量為抽取徵銀給辦等因到臣案查先准兵部咨該吏科等衙門給事中等官李文進等題前事內一款任總督以便運籌聞稱往時總督止專兵馬近來事例兼督錢糧四鎮各邊文移雜運一人批荅晝夜不遑況係部堂大臣不當復親細事查得先年各有贊畫甚是事體但部官體統督率未便若竟裁革不置似乎因噎廢食況三邊有固原兵備兩廣有梧州守巡似

應增置官員若使總督所在有兵一二枝團操則風聲鼓舞諸鎮振揚督戰催征何往不折輯近控遠裨益良多但四鎮兵馬各有專官平時不得調操有事各行遣發名爲總督私事虛文似應增兵乞要查照三邊兩廣事體專設兵備一員駐劄陽和贊理邊務俾得盡心籌運總督駐劄處所許得專操兵馬一二枝或於四鎮各調一千或將河南山東民壯量其多寡減退工食解赴總督就便招募通得常爲團操隨行督

軍等因該本部議擬看得各官欲將宣大總督比照三邊兩廣事例特設兵備官一員駐劄陽和地方專理邊務又於總督駐劄處所添設重兵一二枝團操聽戰無非整飭戎備之意但添官增兵事體頗大翔建衙門會計糧餉未經撫鎮集議輒難定擬合行總督侍郎翁萬達會同各該撫按等官將添官增兵事宜從長計議應否增設務要計慮周詳審處停當於邊鎮有益於軍民稱便明白會奏以憑題覆定奪施行等

因覆題奉 聖旨准擬行欽此欽遵備咨前來
已經會同案行各道公同查議去後今據前因
臣會同巡撫大同都御史詹榮宣府都御史孫
錦巡按直隸監察御史黃如桂將前添官增兵
二事逐一叅酌議處開列如左謹題請 旨
一增設兵備 臣等議照得宣大總督駐劄朔
州時遇防秋移鎮陽和地方重大事務浩
繁缺官分理委應比照陝西固原兵備事
體添註山西按察司副使一員鑄給關防

及請降 勅諭令其駐劄陽和朔州整飭
沿邊地方兵備專聽軍門委用點閱兵馬
監督營陣繕脩寨堡稽查錢糧問理刑名
禁革奸弊及計處軍中一應事宜合用俸
薪馬夫就於該司缺官銀內支領門皂於
大同臨近州縣均徭內僉坐日用廩給柴
菜等項於所在有司驛分供辦應用其朔
州城舊設分司行令山西行都司并大同
府各量動無礙官銀委官修理陽和城應

建分司一所合用木石甃瓦等料價銀照依通判周鳳鳴原估之數亦於該司府動支督工修蓋事完將支過銀兩數目造冊送臣等查考再照邊方兵備責任重難況係新設諸司經畫無所因於昔而欲其有所裨于今非得異才莫能任也如蒙伏乞勅下該部查議上請定奪施行

一量處兵馬臣等議照得總督古帥臣也雖所轄諸軍皆其調度而軍門左右自難去

兵誠以賊若內侵為總督者地遠當即亟趨地近當親督戰苟無兵衛必待調徵趨則不能戰則無及如前年賊入廣昌軍門提旅僅數百人竟不能馳入軍中而去秋鐵梁門之役使有一二枝勁卒在於標下乘其未遑斬馘獻功或亦機會自古帥臣未有空持文墨懸號令而可以得使臂使指之義者聚兵數千居則訓練俾各知方出則自隨用防遇敵固亦帥臣之常耳

查得兵部先題爲採輿情效膚說成安攘以濟中興事內開於各營挑選通事夜不收三千名扮作胡人付副總兵姜夔管領乘夜混殺又開行南北直隸河南山東山西陝西各巡撫衙門自千戶以下農工而上一切人等但有膂力驍勇絕倫弓馬武藝過人方術技能自擅者每省三十人以上每衛五人以上合用軍裝什物鞍馬供億等項通行處給徑送總督軍門隨才

器使各盡所長獲有功級以次登用近又題爲預處防秋以禦虜患事內開行山東河南南北直隸巡撫等官查照節行舊規檄下所司多方延訪如草莽之中巖穴之下有精通武略謀勇邁衆有射藝精巧百發百中或長於運刀或善於使鎗但有一藝可取如王邦直之流不必限其名數厚給衣糧多資盤費差人伴送軍門再加考驗遇有警報置之前茅有功之日通計陞

賞又開行各撫鎮諸臣通將所屬衛所罷
開將領副參而下千百戶而上盡數查出
除老年有疾及死罪重犯外其餘責令自
備鞍馬隨帶家丁盡行取赴軍門令其軍
中料敵制勝中間謀勇足可倚任者量給
以一旅一隊或當先鋒或備後援事定之
日果立功勛加倍陞賞等因俱節經題奉
欽依備行遵照外使稍爲之通處之當而行之
力彖之軍門固自足用止因所司失於未

行人情窘於從事持議弗堅而聯屬之法
廢是以有名無實徒滋紛擾竊嘗思之原
議通事夜不收圍聚一營專備襲擊或用
夜攻旣稱爲奇策矣將領不堪第當易其
入而所謂通事夜不收者似不宜以盡革
也廢棄將官所帶家丁多者不能十數人
鞍馬資糧往往不備呈告紛然甚費批荅
發令隨營則納交將領實緣買功僥倖脫
罪竊惟此項人員第當嘗在標下量其智

勇畀之軍兵庶能立功亦免啓弊義勇如
南直隸所屬類多脆弱不耐風寒且力憚
於路遙費艱於津遣來輒愆期去復顛沛
甚無益於防邊而北直隸山東河南陝西
山西有司軍衛又未見遵行間有一二送
到者亦止虛應故事勇怯相半前後參差
或止給盤費而不給鞍馬或止給鞍馬而
不給器械或頂易姓名或託稱病故或來
卽逸去或去不復來移文往返勢固難以

約而齊也先是臣萬達訪得北直隸山東
河南多有勇力冠軍騎射稱絕藝者發必
巧中又能及遠雖北虜之長技不能當也
去年曾取數十人與各義勇編爲隊伍置
之營中使守鐵裹門射賊於百五六十步
之外賊相色駭頗有懼心顧若人者多良
家子弟有田宅產業不離溫飽一旦輕數
百里遠來備邊應得口糧僅一升五合耳
窮方物貴日費銀七八分皆其自備已非

人情彼處官司又絕不加意甚至怒其人而窘索其家自分彼此卽上司官猶然也如之何其可臣等敢以兵部前項節次議准良法美意而要其可行大率軍門兵馬必得五千人宣大見在標下旗軍已有一千名合再於兩鎮及山西鎮旗軍通事夜不收內挑選一千五百名共湊二千五百名又於北直隸七府山東六府河南迤北四府各所屬州縣額編快手內每十名抽選一

名務要素有勇謀及技藝過人者除本等均從工食馬匹外其九人者每人貼銀五錢以爲置造軍裝什物之費仍免其本門雜泛差役大約北直隸可得五百人山東可得三百人河南可得二百人共一千人仍於北直隸山東河南及山西所屬額編民壯內每二十名抽取一名大約北直隸可得一千二百名山東可得一千名河南山西各可得八百名恐不堪用每名每年

東海集卷六
止徵銀七兩二錢解送軍門新設兵備道
收貯以爲招募義勇工食及鞍馬軍裝什
物之資計須一千五百名湊前有馬快手
共二千五百名通共足勾五千人之數除
旗軍通事夜不收行各將官挑選送用外
快手與民壯銀兩立法之初必須軍門預
差的當官員或新設兵備官親自前去會
同各布政司或守巡兵備道嚴督各該府
州縣掌印官著實抽選徵解以後年分止

貞布政司或守巡兵備道查照施行各該
官員敢有不行用心精選故將不堪老幼
起送充數及徵解不前者聽_臣等就將該
府州縣掌印官應拏問者即便拏問應叅
究者指名叅究司道官一體論劾選抽快
手及招募義勇完日各另自認五人爲伍
十伍爲隊隊有甲選用官旗或義勇中間
才力稍優者爲之十隊爲哨哨有長選用
官員或義勇中間才力最優者爲之五哨

東漢集卷八
為營營有將領選委都指揮及廢棄將官
之素有謀略者為之仍置把總官一員中
軍官一員皆屬將領提調約束同伍者務
要力足相救懽足相死遇難不得獨避有
功不得獨賞如有在逃及臨敵退縮與違
犯律令者二人以上連坐同伍五人以上
連坐同隊應用器械各因所長時常團操
訓練律其技能一其心志作其忠勇雖使之
赴湯火而不辭推金革而不懼即名為樣兵

或用充前鋒或分任營務軍備無弗可者
年六月初旬有科舉者十月終旬放回休
北直隸及各省仍各選委都指揮或賢能操
揮一員管領各該人役依期上班若能殺賊
立功查照兵部題行事例一體陞賞前項各
役馬匹官為印烙上班之日沿途及所駐去
處例該應付料草下班休息之日止令各校
自行餵養不必煩擾有司里甲仍以七年或
十年為限一次驗買馬匹更換騎用若係陣

失及追賊倒死者官爲買棺槽下倒死者令
陪半價不行用心餒養及私借與人以致倒
死者令其全陪仍照軍法責治其陝西一省
亦有軍門雖多民壯義勇恐難一槩行取廢
棄將官果有堪用者就令在於標下管隊管
哨隨才器使所帶家丁聚散不常難以編入
隊伍南直隸義勇不必起送止將盤費及鞍
馬銀兩逐年解送陽和兵備道以充招募如
此庶事體曲盡法意流通行之亦自可矣

再照訪取義勇雖係兵部原議而工食鞍馬
軍裝什物必須畫一處分別項錢糧再難措
給惟是抽取快手民壯可無窒礙州縣額編
民壯多者不下七八百名快手多者亦不下
五六十名往往爲不才有司賣閒歇役計入
其直以充囊橐雖稍稱賢者亦輒以此輩影
替祇候供辦薪水及迎送往來耳若用之以
防秋於有司似弗便而邊事則甚益況快手
取其一於十民壯取其一於二十額數在彼

固未見其多損也如蒙乞 勅該部再加查
議上請行下 臣等著實遵奉舉行邊方幸甚
保留給由方面官員疏

據山西按察司呈稱先准本司分巡冀寧道僉
事蒲澤關稱見年四十歲陝西西安府咸寧縣
人由進士嘉靖十六年八月二十八日除授刑
部山西司主事次日到任十九年給由本年九
月內差往北直隸決囚間陞雲南司署員外郎
二十年七月內到任二十一年四月內差往江

西審錄間陞浙江司署郎中本年十二月陞今
職二十二年五月二十五日到任扣至嘉靖二
十五年四月二十五日止連閏實歷俸三十六
箇月三年任滿例應給由又准本司分巡河東
道兼理兵備僉事李慕關稱見年三十九歲河
南開封府祥符縣人由進士嘉靖十四年十二
月二十二日除授順天府薊州知州十五年二
月初十日到任十八年八月初六日陞授工部
虞衡司員外郎本年九月二十二日改除松江

府同知十九年二月二十一日到任二十一年十一月二十八日陞今職二十二年四月初二日到任扣至嘉靖二十五年三月初一日止連閏實歷俸三十六箇月三年任滿例應給由等因照得僉事蒲澤李蔡俱各操持清謹憲度嚴明軍儲戎務筭無遺策民詞邊事推及隱情三年之勤勞固多兩道之倚重不淺今呈給由例應起送但同時並行一司兩缺況今提學道副使未見到任驛傳道僉事不聞前來乏人攝事

及查得嘉靖二十年七月內有本司陞任清軍副使張子立歷俸三年任滿呈蒙撫按衙門具奏暫留在任管事今查僉事蒲澤李蔡各歷俸三年任內並無公私過名違礙等情但防秋在邇俱係緊要官員此與張子立事體頗同乞要保 奏留用仍行各官將任內行過功績照例造冊繳部緣由到 臣為照山西按察司分巡冀北道僉事蒲澤器識優宏才猷茂敏慎操存而秉憲靡忒多蘊藉而應務不窮分巡河東道兼

理兵備僉事李蔡清雅自持而行不詭物宣博
有本而治已成章且二臣者俱嘗執役邊陲摠
心戎務積其政蹟叅以年勞委應給由但據該
司議稱防秋在期要照先任副使張子立給由
留用事體暫留各官照舊支俸管事蓋以三關
事劇兩司缺人必資二臣共圖幹濟況僉事蒲
澤見該臣取赴軍門計畫一應防秋事宜而僉
事李蔡亦方整理本路芻糧修築寨堡均宜留
用如蒙乞 勅吏部再加查議將蒲澤李蔡照

依張子立事體准令照舊支俸管事仍將任內
行過事由攢造牌冊 奏繳及或查叙勞蹟遇
有本省布按二司相應員缺就近推用非惟一
時防秋委用得人將來地方亦永有賴矣謹題
請 旨

指稱衙門侵使槩衛官錢疏

據山西按察司分巡冀北道僉事江南呈問得
犯人劉廷玉招云叅照先大同坐營中軍今
陞分守大同東路左叅將署都指揮僉事麻隆

託言主將假手他人不係因公敢歛無名之費
雖非入已亦同故犯之條分守大同西路右叅
將署都指揮僉事趙臣欲取悅於上官遂忍心
於貧卒公行科索私作人情中軍平虜衛前所
實授百戶張彌見利如飴乘機染指守備朔州
城大同後衛指揮同知韓綱朔州衛先中軍今
陞鎮川堡守備指揮同知陶珍先掌印今委阻
胡堡操守指揮同知杜珊把總本衛指揮同知
高翀張孟僉事姚繼劉恩王孟陽掌印左所副

千戶夏經右所副千戶吳卿中所副千戶李欽
前所正千戶陳京後所副千戶蕭承芳阿承上
意苛取衆財以上各官俱屬有違律應擬徒例
該革任不許管軍管事內除趙臣近該巡撫大
同都御史詹榮題爲急黜貪廢將領以飭邊防
以振軍務事劾稱本官不職本部議奉
欽依革去叅將職銜令其自備鞍馬前赴軍門
立功贖罪似不必叅提外麻隆張彌等一十五
名俱合叅 奏提問發落但今防秋在期正係

緊急用人之際而近來該鎮軍職又且不敷任
用況麻隆係叅將韓綱陶珍俱守備杜珊係操
守張彌等俱係中軍把總掌印等官皆有地方
責任相應酌處如蒙乞 勅該部查議將麻隆
并韓綱等令其戴罪管事與趙臣通候防秋畢
日聽臣另行議處具 奏定奪廢情法兩盡而
地方不至缺人矣謹題請 旨

及時修武攘夷安夏以光 聖治疏

准巡撫大同都御史詹榮咨據山西布按二司

守巡冀北道右叅議李磐僉事江南呈行據大
同府知府陳耀呈稱會同山西行都司掌印署
都指揮僉事戚銘親詣工所查勘脩過邊牆一
道裏外壕各一道東自宣府西陽河鎮口臺起
西至本鎮陽和開山口止共長二萬四千八百
四十丈計地一百三十八里土牆計一萬六千
五百五丈八尺四寸一分根濶一丈五尺收頂
九尺高一丈五尺女牆高五尺外壕一道口濶
一丈五尺底濶一丈裏壕一道口濶八尺底濶

五尺石牆計六百八十四丈六尺一分根濶一丈五尺收頂九尺高一丈五尺女牆高五尺裏外溝崖一道順溝崖脩土牆計六千九百三十二丈四尺八寸根濶一丈收頂六尺高一丈二尺女牆高五尺外天溝一道不計丈尺斬削石崖計一百一十九丈九尺沿牆墩一百五十四座每座根濶一十二丈八尺收頂七丈二尺高二丈女牆高五尺上建房一間石砌墩八座土墩一百四十六座土堡大小七座創修五座新

平堡周圍四百丈修蓋官廳一所營房一千間撥召軍士一千四十名保平堡周圍一百三十三丈鎮口堡周圍二百丈鎮門堡周圍二百五十五丈守口堡周圍二百丈各隨時緩急量撥陽和天城軍士駐劄防守補修堡二座平遠堡周圍四百丈修蓋官廳一座營房七百間長勝堡周圍三百五十五丈修蓋官廳一所營房三百間仍令原召軍士在彼駐守及召居人填實住種以上舊堡牆根濶二丈五尺收頂五尺高二丈女

身源集卷八
三十一
牆高五尺每座角臺四座敵臺三座根濶三丈收頂一丈三尺離牆三丈壕一道深一丈五尺口濶二丈底濶一丈五尺開占田地一千一百五十頃九十八畝五分占居山場周圍二百一十餘里聽軍民耕種樵採前工自本年三月初十日起至五月初二日止計五十一日告完高厚深濶俱各不失原議丈尺堅固如法足堪保障及平取收放脩邊錢糧卷簿前來查得原發京運銀二十四萬八千一百四十八兩四錢五

分九釐除放過修工官軍夫役五萬五千二百二十九員名防護官軍一萬七百一十七員名馬一萬八百一十六匹各該行糧料草并犒賞等項用過銀一十五萬四千四百一十五兩八錢七分八毫外節剩在庫本折銀九萬三千七百三十二兩五錢八分八釐一毫逐一查算明白別無侵漁等弊除備細造冊并將効勞有功官員分別等第開報到道據此案照先抄蒙總督侍郎翁萬達案驗前事仰本道照依案驗及

身源集卷八
三十一
二百八十八

節奉 欽依并近日會議事理會同分巡道轉
行大同府知府陳燿親詣該鎮工所嚴加督併
上緊修築驗日稽工以速其成夫役口糧鹽菜
用心兼理中間病者撥醫調治死者量給官殮
其慵懶偷閑苟延度日與給散錢糧人員敢有
侵尅短少等項情弊應拏問者經自拏問有礙
發落者呈報軍門施行應該軍衛有司出辦者
亦要會同處辦事畢造冊及或具由繳報查考
該道亦要不時親詣程督稽考如有未盡事宜

悉聽區處務期工程早完保障有賴蒙此又抄
蒙巡撫大同都御史詹榮案驗亦爲前事俱經
通行各該委官遵行去後續爲及時修邊以防
虜患事抄蒙巡按直隸監察御史黃如桂憲牌
前事備行本道會同分巡道即便轉行各邊督
工官員趁時作速修理一面將各處工程錢糧
逐一稽查如某人監修過邊牆若干有無高厚
鬆薄之異某處用過錢糧若干有無侵欺冒破
之弊分別勒情紀載數目錢糧有餘者作何支

銷支用不敷者作何區畫各明白造冊聽候本院按臨呈迓查考蒙此行間續蒙總督侍郎翁萬達批據鎮守大同總兵官周尚文呈爲完邊堡遏虜患保固疆場事蒙批仰守巡冀北道會同蒲僉事覈實通呈繳蒙此又蒙巡撫都御史詹榮案驗亦爲前事仰道即便會同分巡道覈勘前項修完邊堡墩臺是否前項之數中間有無堅固其防護做工夫役有無短少逐一覈勘明實議將修過工程丈尺用過各項本折錢糧

并効勞有功人員等第逐一備查明白造冊通行呈報以憑會議施行等因蒙此又經會行查勘造冊去後今據前因除呈總督侍郎翁萬達照詳外今將前項緣由并造完支銷實在錢糧數目及効勞有功人員文冊各壹本呈乞施行等因到職據此案照先爲前事准兵部咨該總督侍郎翁萬達題稱准職咨會同鎮守總兵官周尚文覆勘議得自陽和口起由天城至李信屯止東西沿長一百三十餘里應該修邊添墩

東漢集卷六
三十九
築堡每遇防秋一體撥軍擺守估計工夫口糧
犒勞防護兵馬行糧料草及門鐵等項共該價
銀二十九萬八百六兩九錢乞賜早發候土脉
開融即便興作節該本部議得大同地連虜穴
極爲要害頻年侵犯獨於無邊牆去處爲患頗
多今日修築之舉自不容已臣等以爲成大事
者不惜小費務遠略者毋勤邇圖所據前項工
程既有補於邊防相應及時興作除本部量動
馬價銀六萬兩其餘乞 勅戶部查照原議之

數及早差官解發容臣等咨行彼處總督大臣
會同撫鎮催督守巡等官將一應修築事宜作
速舉行工完造冊查考再照一勞永逸古有格
言顧此失彼今之宿弊所據前項修築地方既
係宣大兩界之間又經先年會官議修之處今
據所議未見會行宣府撫鎮等官勘議與前兩
鎮分守會議有無異同與彼地方有無違礙必
須一舉兩得彼此俱利西有補於大同東可利
於宣府而南又足以阨塞紫荆等處庶幾保障

成功一勞而永逸邊陲均賴不至顧此而失彼
矣本部一面移咨總督衙門會行宣府撫鎮守
巡等官自文書到日刻期起程親詣前項地方
同心相度共成 國事毋分彼此仍將相度緣
由星馳奏報等因覆題奉 聖旨是修築邊牆
係防虜重計宜及時舉行馬價銀准動支九萬
兩戶部便湊支太倉銀二十萬兩作速差官解
發還行與總督侍郎翁萬達通行宣大撫鎮等
官親詣兩鎮連接要害地方相計應該修築去

處一併修築周尚文廉勤謀勇用心邊事脩築
之役悉以付之宜益竭心經營用圖堅乂工所
當費不必靳省但要禁治侵漁妄費軍士夫匠
人等務宜加意撫恤無致勞怨工完之日朝廷
自有賞典如或虛張應文徒費無補罪亦有歸
欽此備咨前來又為及時修邊以防虜患事准
兵部咨該總督侍郎翁萬達題會同職與巡撫
宣府都御史孫錦及督同鎮守大同總兵官周
尚文鎮守宣府總兵官趙卿議得大同該修邊

三三三
三三三
牆先議西自開山口遵山南而東五十里至於水磨口又東八十一里至於宣府李信屯之北地名紅土臺一百三十一里有奇坦然皆平地也今議自開山口五十里至水磨口仍照舊擬特自水磨口改從東北踰山崖六十里至於馬頭兒又趨平地渡溝而北一十里又東一十八里至於宣府西陽河界之鎮口臺共一百三十八里有奇陡峻中隔南北相懸即應援之兵轉輸之費坦平則易懸隔則難大同初議正慮及

此故欲乘其易而不欲處其難實則於宣府無損亦無便也今議宣府為其應援轉輸則大同之難者且易而宣府西路西陽河既得藉一面向之防省十里之力而李信屯以北常戍之兵亦可掣免彼此相湏利益不小況大同山崖深溝五十二里斬削補砌之工比之全築土牆僅費其半而以所省銀四萬二千六十一兩有奇轉給宣府則所以保障地方撙節才用者誠兩得之節該本部議擬合候 命下仍移咨本官遵

照前 旨會同兩鎮撫臣督同鎮守守巡叅遊
守備等官同心協謀及時舉事專力邊務共濟
時艱分工勒限刻期完報仍將各督理并管工
大小官員分到地方丈尺并官銜名氏刻之于
石以便查考三年之內如有坍塌損壞責令陪
補仍從重提問雖陞遷去任不免工完之日聽
巡按御史閱視從實造報如有虛費冒破等弊
查叅治罪有功效勞人員一併議擬陞賞等因
覆題奉 聖旨這宣大兩鎮修築邊牆旣經總

督衙門會同各撫鎮等官親詣履地方相計停
當都只照侍郎翁萬達今次議奏舉行宣府興
築銀兩估計未詳除已撥給大同餘銀四萬兩
外准太倉馬價內共發四萬兩去接濟其或不
敷應否增給并兩鎮遇警應援及諸未盡事宜
仍著翁萬達悉心再議奏來添設守備官便推
選有才幹的去任事其餘依擬欽此又爲乞留
修邊解銀部官以司支放以便稽查事准兵部
咨該總督侍郎翁萬達題稱修築宣大邊牆節

發帑銀數多臣止可總其大綱兩鎮巡撫及管糧郎中職掌主客兵馬糧草亦無餘力雖有守巡兩道事務叢積不免轉託有司軍衛官員姦弊難盡釐革乞將戶部解銀主事戴完陳時範暫留一員監放前項銀兩節該本部議擬合候命下移咨總督侍郎翁萬達將宣大修邊糧草事宜督同巡撫就委守巡等官分投整理一切姦弊設法稽查等因覆題奉

聖旨翁萬達奏留官員意重禁防姦弊你每既

這等說只著宣大巡撫官各督同守巡官將修邊錢糧務要支放明白嚴行稽察如有上下侵漁冒破作弊著總督侍郎巡按御史各訪實叅劾奏來欽此備咨前來又節准總督侍郎翁萬達咨同前因先該職會同總兵官周尚文調集夫匠委官於三月初六日帶領赴工於初九日一齊興舉及將一應錢糧內該總督扣出餘銀四萬二千六十一兩六分五釐徑發宣府聽用該本鎮者責委分守冀北道叅議李磐專管收

放并行分巡僉事江南督同山西行都司掌印
都指揮戚銘大同府知府陳燿親詣工所嚴加
督併驗日稽工工既告完職等親歷閱視一面
將各督理并管工大小官員分到地方丈尺并
官銜名氏刻之於石以俟查考隨將完工緣由
會本具題并行守巡二道將修過工程丈尺
并用過錢糧數目及効勞有功人員分別等第
覈勘造冊及轉行巡按直隸監察御史黃如桂
查照該部題奉 欽依覈實去後今據前因除

該道冊內開到分委管工官旗閫動等一千四
百四十六員名防護領兵官旗李愷等一百二
十六員名總督侍郎翁萬達下書吏馮得成魏
大用職下令典劉麟郭震總兵官周尚文下掾
史魏守忠等各効有微勞者候再覈實職等徑
自稿賞不敢煩瀆外會同鎮守大同地方總兵
官右都督周尚文議照大同一鎮外鄰住牧虜
巢內并畿省關隘為九邊第一重地舊日相沿
雖有三邊名色以其逼近虜營且無附近城堡

東海集卷之三十一
藉之守護遂致掏挖傾圮鞫爲坦道遺趾僅存
比年虜牧於夾牆之間朝窺夕竊東出西沒近
邊田土日就荒閑而驛路行旅間被殺虜蓋以
障塞罔修阻遏無恃故且自二十年大虜深犯
山西之後邊臣仰遵 廟謨東自陽和開山口
西至山西丫角山修築邊牆一道添設墩堡募
軍守戍嗣是虜賊有所忌而不敢輕犯邊人耕
牧爲利頗多徇陽和天城迤東接連宣府西界
中間多有通賊要路因未築有邊牆近年虜衆

深犯率皆由此出入視中西二路有險足據卒
歲稍寧者可以鑒矣職等日夜憂危多方諏訪
乃於今春會舉斯役屬當春夏之交大衆一齊
復慮虜騎之侵擾陰雨之阻滯度工計日約費
估銀會本具 奏仰荷 皇上如數蠲發再
命總督宣大撫鎮等官相度計議職等初議欲
自陽和口修至李信屯止蓋以聲勢連絡守援
旣便餽餉弗艱本有利於大同但宣府李信屯
迤北尚有五六十里始接西陽河邊牆旣有此

東漢集卷六
三
空缺之處未免更費工役添設擺守先以事在
彼中未經會議無從而知也乃復改從今議又
蒙 皇上俯賜俞允不惟宣府李信屯迤北五
六十里之空缺包裹在內可以不勞修守而西
陽河通賊川口直西一面又得大同新牆爲之
外郭誠一勞永逸之圖非顧此失彼之偏也興
工之期又值醜虜退避時日晴明軍民歡呼夜
以繼日計八十七日之工而落成甫及五旬約
二十四萬之費而節省將以億計以虜馬盤據

之地成吾人耕牧之區藩垣鞏固疆圉肅安此
實 宗社無疆之休中外臣民之慶也凡此豈
職等所能爲哉仰惟我 皇上至德格 天百
靈効順 神武布昭恃驕悍者避其地 仁澤
浹洽効子來者忘其勞又內閣輔臣宣布 德
威贊決謀議本兵畫授成規戶部處給鉅費成
茲擇外衛內之功允仗 聖主賢臣之力也外
則總其事者總督右侍郎翁萬達忠恒切於報
國猷審固於籌邊形勝得相度之宜議持大體

錢糧盡稽查之法算析秋毫往來工所而大衆恃以爲安勸勞躬臨而群情感之思奮成此偉績實著全功其專理工役者總兵官右都督周尚文節同士苦勞以身先得以寡御衆之方有懲一戒百之術築堡添墩經營曲當責成分委省費尤多峻此鉅防不遺餘力糾察則巡按御史黃如桂激揚得體而官夫之頑惰頓消戒諭有嚴而錢糧之出納知警次則督理糧儲戶部郎中張旦守巡冀北道右叅議李磐僉事江南

督課夫役而力任馳驅處辦錢糧而詳明出納大同府知府陳耀山西行都司掌印都指揮戚銘大同府通判种奎或點閘夫役逃亡者無容隱之弊或閱視工程姦巧者無虛應之弊或稽察糧賞支領者無重冒之弊或往來問勞病死者無委棄之弊皆奔馳幾兩月之久調停遍伍萬之夫委任多兼劾勞斯倍又次則武職催工如閑住遊擊梁璽朱漢陳力都指揮王威王寧高山城守備張騰指揮李梅領兵防護如叅將

麻隆遊擊呂勇陳鳳坐營指揮周廣督率本部
軍夫修工如馬邑城守備王鏜渾源城守備張
德大同左衛城守備沙潮朔州城守備韓綱平
虜城守備劉漢懷仁城委守柴縉山陰城委守
閔春聚落城守備孫寶廣靈城守備張元勳靈
丘城守備李寶應州城委守姜振河南領班備
禦指揮馬堂把總指揮邢堂門堂千戶鄭捷馮
漢楊威往來工所傳布號令如原任叅將李懋
都指揮麻宗指揮呂大章千戶姜義文職買辦

錢糧如大同府同知韓梅通判龍鳳強綬督率
本部民夫修工如大同府知事閻廷柱應州知
州余崇渾源州知州劉岳朔州知州張一誠大
同縣知縣宋大才懷仁縣知縣申翰馬邑縣知
縣王一鳴靈丘縣知縣周室廣靈縣知縣滕璧
廣昌縣知縣鄭文祿蔚州吏目李釗山陰縣典
史史守成以上各官雖居官人品難以律齊要
之於修工一節均爲効勞者也若職者則不過
仰遵 廟謨從事考成而已尋常供職何敢言

勞竊惟密勿碩輔戶兵及總督大同 朝廷報
功自有渥典非職所敢僭議者其諸在外有勞
官員似應比照先年五堡事例量加 恩賚如
蒙乞 勅該部通候巡按監察御史覈勘至日
將前項有功人員分別等第議擬上 請定奪
庶惠典不虛而人皆知勸矣除將支銷實在錢
糧并効勞有功人員文冊俱候巡按御史再行
覈實 奏繳及具 題外合咨前去煩爲查照
施行等因到 臣案查先節准兵部咨俱爲前事

屢經通行查照修築及該 臣親詣督理俱各完
報又該 臣編歷閱視訖今准前因覆查相同除
新平等堡合處糧草及應援兵馬事宜先已該
臣具疏而修工支銷餘剩銀兩候行巡按御史
黃如桂再加稽查與効勞有功人員文冊遵照
勘合覈實明白徑自 奏繳宣府修邊畢事亦
待撫鎮咨呈到日另行具 題外爲照大同東
路陽和天城一帶係朔方緊要之地北虜出沒
之區舊雖有邊未設牆塹賊或侵犯直趨紫荆

東漢書卷八
等處震駭京畿先是守臣亦欲建議修築以便
防禦輒多撓阻竟坐因循茲者伏遇

聖明惕大圖艱抗稜遠斥旣修內治益重外防

俯納愚臣設險之言深契重門擊柝之意洊降

勅旨大發帑銀遂使大工成於不日堅完高厚

前此所無者牆長一百三十八里有奇而壕塹

亦如之東連宣府之西陽河西接本鎮之靖虜

堡山北山南塊然一道包羅地土可闢而耕種

者頗多又緣牆而爲堡者七爲墩臺者一百五

十有奇分兵置戍聲援聯絡自是零寇當不敢

竊窺即使悉衆來侵亦有所恃以爲無恐誠要

塞之鞏防而重藩之永利也所據原議工限計

八十七日該用銀二十四萬八千一百四十八

兩皆按舊籍籍實估爾乃今僅五十一日而竣

工節剩前銀至九萬三千餘兩實由興工之後

塞日晴乾風雨無阻羣工効力乘時經營悅以

使民而忻然子來者又爭先忘勞窮日之力丁

丁相聞夜或不輟如撫鎮等官詹榮等所云天

時人事之相因信非虛也若非仗我

皇上稽謀得天 飭法任人何以致此人歌

帝力守在四夷關外之臣幸獲躬覩而宰輔之
摠誠贊計聽議用中本兵戶部之規畫便宜經
理財用克成茲役良有由然 愚僅知惕慮於
錢糧之度支敦爲較勘務在節省冀少裨益瑣
瑣類繭絲爾峻防禦侮事實因人審已量力勞
不補拙言之益每自悚愧若鎮守大同總兵官
右都督周尚文修築本其所長 溫諭又方在

耳圖惟 報塞輒廢寢興度備慮財意寔存乎
搏節勸勤懲惰法又極其嚴明惟保障之功要
自茲始雖益鍾之事亦必身先巡撫大同右副
都御史詹榮懋拓忠勤力持謀議先時而處分
曲盡咸有章程當事而鞠瘁不辭每親省試錢
糧一事尤甚究心法詳而弊蠲費省而功倍以
上二臣均宜首論巡按直隸監察御史黃如桂
風裁雅重軌物不愆稽弊而篤勵庶工省成而
周流兩鎮其爲勞蹟亦自足稱至若共懷永圖

商確成筭程督工役計料餼糧則督理糧儲戶
部郎中張旦守巡冀北道右叅議李磐僉事江
南之三臣者相應並錄派集軍民而卹其疾苦
均其勞逸體悉上下而出納有經小大畢舉間
關於險曠之墟終始乎版築之事則大同府知
府陳燿山西行都司掌印都指揮戚銘大同府
通判种奎之三臣者尤爲可嘉其次催督工程
如新任北樓口遊擊梁壘閑住遊擊朱漢坐營
都指揮王威高山城守備張騰指揮李梅提兵

防護如叅將麻隆遊擊呂勇陳鳳坐營指揮周
廣部領軍夫如馬邑城守備王鐘渾源城守備
張德大同左衛城守備沙潮朔州城守備韓綱
平虜城守備劉漢懷仁城委守柴縉山陰城委
守閔春聚落城守備孫寶廣靈城守備張元勳
靈丘城守備李寶應州城委守姜振河南領班
備禦指揮馬堂把總指揮邢堂門堂千戶鄭捷
馮漢楊威往來宣令如原任叅將李懋見任應
州守備帶管中軍事都指揮麻宗指揮呂大章

千戶姜義買辦錢糧如大同府同知韓梅通判
龍鳳強綬部領民夫如大同府知事閻廷桂應
州知州余崇渾源州知州劉岳朔州知州張一
誠大同縣知縣宋大才懷仁縣知縣申翰馬邑
縣知縣王一鳴靈丘縣知縣周室廣靈縣知縣
滕壁廣昌縣知縣鄭文祿蔚州吏目李釗山陰
縣典史史守成俱各効有勤勞及催督工程如
原任遊擊陳力都指揮王寧畫計輸勤當在梁
爾等之上但查係充軍人數難以例之各官要

之皆難掩沒者再照築垣禦侮邊臣之常分也
而臣固冒昧叙別亦以朝廷有酬功與臣叨
總督有甄別之責爾如蒙乞勅該部將有功
効勞人員分別議擬請自上裁量加
恩賚以爲內外諸臣効忠勤事之勸謹題請
旨

虜中走回人口疏

嘉靖二十五年四月二十五日准巡撫大同右
副都御史詹榮咨稱本月十四日未時據副總

兵林椿差哨家丁師廷鸞口報役回家丁李大正等前到大同左衛邊墩哨探十二日未時到於雙廟山墩有賊三騎在彼一名係真達子堡兒寨通事二名一名係平虜衛墩軍一名刁狼係陝西綏德衛人見作達子通事今有達賊五十餘騎將我們送到本墩著往 南朝太師上說今俺答在於營內挑下白駱駝九隻白牛九隻白馬九匹金鍋一口銀鍋一口要求進 貢我們已令通事并助馬堡家丁雙廟山夜不收

牽馬一匹前去周總兵處走報又將家丁一名著達子帶往虜營去訖說畢與廷鸞達箭一枝著從邊外行走途遇零賊不敢傷害有役前來走報據此職當即差人前去調取本月十五日據分守中路參將張潤呈送人口二名隨發守巡冀北道參議李磐僉事江南呈稱審據楊威供年四十二歲係山西行都司玉林衛前所實授百戶蒙撥威同在官白四兒在於大邊大溝墩提調哨備本年三月初四日威同白四兒前

去巡墩被賊一十二騎搶去到於黃河東北山後大營內有達子頭兒吉囊又稱滿官填使令威與白四兒并不知名二人前去有甌塔城內用牛二犍耕地約有五六頃內種穀黍菊林糜子等田又打窩一座賊見歡喜要得求 貢與威并平虜衛人口高清青扇馬一匹令箭三枝紅毛頭旗一竿令曉漢語通事與威等說稱你南朝將大邊自黃河以東修至宣府我們人馬少時不得侵入大舉必得二十萬就便得入又

恐口來難出大邊你 南朝人馬強勁不同往

年與你這令箭前去大同與周太師講和了罷我們再不去搶各種田禾不許兩家偷踐要將白馬九匹白牛九隻白駱駝九隻進 貢具呈

前來職與總兵官周尚文會議移咨軍門處定外本月十七日卯時據職原差督軍守瞭頭目官張繼宗差夜不收張天祿隨帶威虜堡家丁李大成口報本月十四日申時有守備葉昂及張繼宗差大成并家丁孫景學前去左衛大邊

雙廟山墩調取墩軍至十五日二更時到雙廟山止有墩軍三名王士民趙均成葛順在彼看守達子三名先差去走報墩軍二名劉文禮李羊兒其餘七名俱下左衛城取糧未回士民等說我們在墩止有三名若再一人去了無人看守你去都府上回說大成等三更時回至師婆寨墩有助馬堡鎮河堡右衛破堡子三處家丁共八十名在彼說稱我們拏着改機二疋青二梭二疋大米白麩各五升燒酒二罈要去雙廟

山等候虜中達子與在墩三箇通事送喫食來時合他作買賣哄他喫醉了酒時殺了請功大成至十六日回到本堡葉昂并張繼宗差役等前來回報據報看得前項夷使羈留在墩係聽審人數恐家丁無知在彼殺害報功但慮此輩人衆又聚於大邊之外欲即拏究急則或致他變一面差夜不收趙雄到墩省諭解散一面候彼進邊之日會行究治二十日據趙雄回報役蒙差到師婆寨墩見總兵家丁二十餘人潛伏

墩內當將分付鈞語曉諭都府已知你們在這裏拏紬布酒麪誘殺達賊報功見在虜營差來達子在墩已請總制會審怕你們胡做特差我來傳諭你們速回各城不許在此生事家丁回稱我們原拏紬布着雙廟山墩軍取去役又云你們也把都府說話傳諭他知前來回報本月二十一日准總兵官周尚文會藁爲防勦猾賊事議照大賊壓住我境常有零賊大邊內外竊探虛實近據送到原搶人口馬匹箭旗意要講

和曾性詭計探知我兵東路修邊恐乘虛西犯帖仰中路叅將張潤將左右衛家丁通事尖兒手官軍帶領前去左衛拒門助馬二堡右衛破胡殘胡馬堡三堡按伏用心餒馬多差人役不時遠爲哨探如遇零賊犯邊務要相機撲殺盡絕以靖地方設或衆大飛報軍門發兵勦殺不許輕率寡謀致誤事機得此職恐前項人役一蒙會差出邊倘仍似師婆寨墩誘殺甚是害事隨即回文零賊出入大邊固當伏勦但虜營近

境而遣來夷使又羈留我墩正招來降人覘彼
動靜之時各家丁一出未免肆行驚擾不惟撓
滯夷情亦恐阻塞降路近又訪得師婆寨等墩
有各堡家丁執拏紬布酒麪在彼誘哄生事亦
非事體擬合禁止另行合用手本前去煩將前
項家丁姑在三邊牆下嚴加隄備量差一二潛
伏遠哨虜營嚮往動靜得實飛報其師婆寨等
墩家丁掣回毋得生事惹釁去後本日卯時據
右衛破胡堡守備尹鉉差夜不收靳能口報本

月十九日未時總兵家丁從邊外斬獲首級三
顆戰馬四匹二十二日卯時據助馬堡操備李
璽差夜不收賀中口報二十一日申時左衛大
邊雙廟山墩打過報帖助馬堡家丁得獲首級
三顆達馬四匹口報前來二十三日得總兵官
周尚文書稱本月二十二日墩軍王士民同自
去姦軍董寶來供前者講和達子留墩二人本
月十八日仍有四五十賊又來到墩說稱你們
會打城子要夫要木匠畫匠鐵匠在於豐州蓋

房回他不敢承認一時爲歹當將取水二人捉住一人衆人央令原留達子一人叫回要殺換了原留真達子一箇去了董寶又說達子暗說要捉幾人董寶慌了跑在墩上衆賊方回後有達賊六人藏在泉上等人董寶等即時知覺領了人去殺了二賊奪馬四匹墩上孫通等不該又將原留墩上一賊殺了如今生將董寶拏回仍有孫通等未到捉去待到對明另行解審等因准此爲照夷性犬羊逆順本無一定自俺答

三十年要貢入搶之後彼中意嚮消息寂爾無聞今乃遣二三通事卑詞求貢姦謀詭計固難輕信爲我邊計者但當十分比常嚴加提備至於來講夷使正宜優容以全字小之體且因而取探虜中動定設奇用間似有機會而家丁董寶等墩軍王士民等輒敢不候譯審擅自誘殺首級妄希陞賞據其節次傳報與總兵所致手書事出真實無可疑者但原據報該墩羈留夷使三人今云止殺一人仍殺泉上等人達賊二

人又云原在墩夷使一人換回搶去墩軍不過假此以飾誘殺之罪耳詞俱支吾實難准信除各犯候總兵官提解到日審明另行外竊料前項虜酋見今糾衆壓境一聞殺使拒請未免憤出有激入犯之謀旦夕叵測合咨軍門裁處施行准此案查本年四月十五日臣因巡邊至宣府中路葛峪堡地方節據鎮守大同總兵官周尚文二次稟帖開稱本月十四日辰時據大同左衛大邊雙廟山墩深哨家丁趙友倉等走報

本月十一日巳時達賊五十餘騎從本墩東空進入到墩說稱我們王子說你們整下兵馬多多利害我們將捉得你的人待二月內耕種糜黍了畢將人送與太師說稱進貢番紙一張令箭二枝紅小旗一竿馬一匹達賊仍回舊路西去訖說到十八九仍來討話等因臣當責差旗牌官百戶趙鎮前去查訪及行地方官用心管顧來使聽候審勘本月十八日准巡撫都御史詹榮咨據山西布按二司守巡冀北道叅議

李磐僉事江南呈稱會同審據送回人口楊威等供報緣由備咨到臣臣見事體重大批行守巡道再加譯審議擬具 奏間二十一日又據總兵官周尚文揭帖開稱據山西行都司掌印署都指揮僉事戚銘大同府知府陳燿呈據暫代守備陽和城指揮同知曹璋呈審得楊威供稱前項月日虜營令通事刁狼向威等說稱衆達子商說擊我令箭紅旗青扇馬送與你太師講和我們不敢去搶他們也莫殺我帳房依了

還與白馬九匹白駱駝九隻白牛九隻並無說稱進貢等言語各緣由前來看得撫鎮守巡等官前後咨呈稟報情詞不一又經駁行審勘并差百戶聶寶齋執 令旗令牌前去督諭該鎮地方將領嚴加隄備及嚴禁墩軍人等毋得妄起事端致惹邊釁臣仍遄自宣府回向大同計得就近親自審處本月二十四日忽據周尚文稟稱二十二日墩軍王士民同自去茲軍董寶將原留真達子一箇換去并將原留墩上一賊

殺了等因到臣臣不勝駭愕督行周尚文嚴拏董寶等并將虜中原送回百戶楊威等解送軍門發仰冀北守巡道監羈審究外今准前因臣惟我國家幅員全盛武德布昭軼前古矣九夷八蠻罔不通道惟茲北虜荒忽無常然自弘治癸亥以前歲猶稱貢羈縻不絕疆圉稍寧嗣因宣府虞臺嶺之戰我師覆沒虜益驕橫貢道不通諸邊侵駭其結患生民者已及四十餘年矣嘉靖壬辰小王子復自致書求獻方物

後竟疑沮邇年石天爵之事其始也彼以好來蹇然諾之既而設計誘取斬之何名大失夷心橫挑巨釁臣每痛恨當時邊臣區畫之失策而機會之難投也乃今彼酋遣使扣邊講和求貢雖譎詐之情窺竊之計不可易知然我惟備之而已和則不可來則勿拒固帝王之所以待遠人而權時施宜察形行間亦兵家之所以收全勝也詎容脫誤致有後艱臣得夷人求貢之報時適東巡亟擬西旋直趨近地規事建議上之

聖明豈意方離宣鎮而前項夷使則已先死於羣兇之手矣臣心刺繆曷知所云夷狄雖犬羊其性固能知曲直喜怒猶夫人也遣彼族類歸我漢人執物示信懇託墩軍爲其道款借曰不許猶當善其辭說遣之使還乃旣置夷使於墩臺納歸人於境內又從誘而殺之此何理也曲旣在我安知其不憤怒恣睢連合梟雄彎弓報怨將來即有畏慕威德出於實心者亦必回遑疑慮重以今日之事爲戒夷狄之禍將益熾

矣擅啓釁端致傷國體董寶等滔天罪惡委不容誅且其時旣該巡撫衙門廉知寶等姦狀差人戒諭移文禁止而寶等竟爾爲之麼麼賤卒敢於犯法貪功殺人若是其烈可疑亦可駭也所據助馬堡委守指揮李璽左衛城守備沙潮分守中路叅將張潤俱各在彼若罔聞知似有主使故縱之情難免殺降啓釁之罪均各查究如蒙乞勅兵部備行都察院轉行巡按御史速將見獲董寶等并叅提未獲一千人犯嚴

加究問從重議擬干礙將官一體叅 奏定奪
其此間夷情臣今駐劄陽和督同撫鎮及副叅
遊守等官量屯兵馬加謹隄防賊若擁衆來侵
官當併力戰守仍選素有機官員伶俐通事
授以語意令去該墩遇賊行走或以此事責我
即便明白省諭大略言差來夷使原被邊外無
藉兇徒乘機盜殺聞之上官無不痛恨已將各
犯綁拏處死你等倘有別情仍須來告當爲轉
達不許作歹蓋使知 天朝有正大之義聲明

之法殺伐之威而蓄怒構兵之謀亦或可少解
也即不可解相度機宜一意拒絕惟按兵待戰
盡其所能爲已耳臣素踈短無他謀猷值此艱
虞不遑寢食伏冀 廟廊示之成筭俾奉周旋
臣無任悚懼待罪之至謹題請 旨

翁東涯集卷之八

翁東涯集目錄卷之九

疏五

盤獲姦細疏

查議防秋効勞有功人員疏

邊將感恩知勵懇乞宥過以期後效

疏

恭賀廟建疏

謝恩疏

及時修武攘夷安夏以光聖治疏

翁東涯集卷之九

揭陽翁萬達仁夫

疏五

盤獲姦細疏

據山西按察司分巡冀北道僉事江南呈稱除
數內犯婦賈氏患病沉重候痊日另行家屬魏
容全大虎趙氏及不係緊關犯人楊宗元劉成
曹淮王倚兒任欽張永陳清陳明劉大信董秋
驢王氏高傑俱不係緊關并原搜獲偽造物件

東海集卷九
一
重大者俱免解送外原勾兵旗八面先該軍門
奏繳一面周總兵取送巡按谷御史一面見在
六面及緊關勾兵表文號帶段疋袍服梳針耳
墜火鑷等項同犯人張文博等三十九名口續
獲犯人李寨宋祿二名共四十一名口理合呈
解施行隨據 代府長史司申稱具啓 代王
責差指揮曹昇千戶陸臣將 宗室充灼等八
名解送前來案查先據該道會呈問過犯人張
文博等招由到 臣已經會 題訖及據大同府

應州申解續獲犯人李寨宋祿二名前來又經
批行該道查問間准兵部咨該 臣題前事本部
議擬合候 命下咨行該鎮總督等官啓 代
王將係干謀反 宗室充灼俊桐俊藥俊案俊
樛俊振充爇充燮及取一千人犯張文博等各
如法多差的當官兵通行防送押解來京 勅
下三法司會同府部科道多官將各謀逆真情
從公覆審明白查照律例議擬奏 請定奪等
因覆題奉 聖旨是各犯依擬押解來京覆審

欽此備咨到臣除欽遵外看得續獲李寨宋祿俱係原招照出共謀為逆人犯事同一起隨行該道將犯人張文博等及行長史司啓王將宗室充灼等各提解去後今據前因會同巡撫大同都御史詹榮鎮守總兵官周尚文巡按直隸監察御史谷嶠責差山西行都司都指揮僉事張勳忻州同知封尚貞等管押并差原任副總兵徐珏帶領官軍一千一百員名防護宗室充灼等犯人張文博等與李寨宋祿一併起

解赴京并原搜獲旗號表文并緊關物件開坐謹具題知

查議防秋効勞有功人員疏

臣准巡撫宣府都御史孫錦咨為大舉達賊擁衆犯邊官軍奮勇敢打奔退事開稱據分守西路左叅將祁助呈先蒙分布職同正兵營千總都指揮曹棠戰鋒坐營都指揮楊鉞革任遊擊都指揮王鑰各統馬步官軍在於萬全右衛膳房堡擺邊列營八月二十七日據洗馬林堡守

備王林呈報本日午時瞭見境外哨馬達賊二百餘騎從北往南行走到於西小臺東西二空攻牆窺看道路職同擺邊都指揮郝鎮等督令官軍各用槍砲佛朗機等器敵打間賊後添至五六百騎仍欲攻牆當有崔副總兵統領官軍隨即上牆敵打賊方退遯又據新河口堡守備曹世忠呈報本日申時瞭見境外達賊約一千餘騎到於樺林等臺登高望見壕塹品坑火車擺守有備起往東北去訖至二十八日前賊復

到水泉臺內三百餘騎驟馬到於壕外站立聚衆兩攻職與列營遊擊呂陽擺邊官范瑾等督率官軍各用槍砲弓矢射打敵退往正東去訖又據膳房堡東空臺夜不收顏討兒走報本日辰時瞭見達賊約三四萬餘從大橫溝往東行走內哨馬達賊一千餘騎馳到本邊壕外當有趙總兵統兵馳至督率本職并列營擺邊官楊鉞王鑰等官軍各用槍砲弓矢捨命敵打趙總兵當選驍勇通事家丁劉的梁未等從境門出

至壕外依壕拒戰前賊攻衝十數餘陣被火器
擊打兼以壕窄阻隔不能近牆又見牆上牆外
俱有兵馬不敢攻犯趙總兵慮恐前賊東犯張
家口督同職等統領官軍即趨本堡分布沿邊
乾河口等處設伏堵截二十九日又據膳房堡
夜不收杜臣哨報境外興和城迤南達賊約二
萬餘騎往東行走巡撫衙門一面差夜不收徐
安等執打藍旗督軍力戰一面差夜不收王經
等執打紅旗分投收斂有守巡口北道蘇叅議

程僉事各申諭號令策勵軍士隨軍供餉收斂
人畜三十日辰時據原差深哨通事家丁劉堂
等飛報說稱大勢達賊就下來了等語趙總兵
即時馳至本口前哨達賊約有二千餘騎驟馬
到邊後繼大營灰塵不斷趙總兵一面將戰鋒
坐營官李塘正兵千總官曹棠等人馬差令旗
牌官梁珪督發東山頭將坐營官王堂分發西
山頭各迎敵一面差中軍官武鏜旗牌官李應
麒帶領家丁通事張秀等邀截賊鋒當蒙總督

東漢書卷九
五
三百三十一
翁侍郎原差旗牌官王官等嚴令官軍各以槍
砲弓矢射打巡撫衙門差百戶韓凱等各執旗
號督勵將士併力向前巡按谷御史差百戶李
宣等執牌往來傳諭利害前賊連攻數陣趙總
兵與職親犯矢石督率官軍奮勇弓矢槍砲齊
發及用九龍箭連射打死中傷賊人俱被拉拖
去訖賊見官軍勇猛壕窖阻隔攻衝不利又見
崔副總兵領兵馳至聲勢聯絡及蒙軍門調發
延綏遊擊陳言等亦相繼應援其賊吶喊三聲

至未時方纔奔退九月初一日巳時據家丁周
保等報稱大衆賊營起往東北去訖有趙總兵
慮恐前賊突犯羊房堡領兵前去設備初二日
又據羊房堡夜不收賀烏牛報本日申時瞭見
境外東北溝大勢達賊往南行走內三百餘騎
驟馬到邊遊擊呂陽督令官軍敵打看見總兵
人馬馳至各賊退遯去訖等因呈報前來已經
兩次具題訖但未經查錄各官勞績恐無以
激勸將來卷查先為預擬分布人馬以禦虜患

事准總督侍郎翁萬達咨該兵部咨前事等因
已將本鎮西路萬全右衛膳房新開新河口洗
馬林西陽河堡北路龍門城楊許二衝中路大
白陽青邊口堡俱係大舉虜賊侵犯要衝處所
議發正奇遊援各枝馬步官軍循牆拒守列營
俟戰及行東南二路叅將左灝劉振各將緊要
通賊隘口撥軍守把外又該本職巡視邊備見
得萬全右衛等處新修邊牆未經泥抹易於拆
毀缺少女牆難為站立洗馬林堡無牆處所難

於擺守查照兵部總督軍門節次咨開防邊禦
虜事宜節出白牌告示分差夜不收趙卿等嚴
行各該將領等官遵依查照將新牆用泥固抹
仍增脩女牆挑挖壕窖并衝要處所擺列火車
嚴加隄備去後今據前因會同總兵官署都督
僉事趙卿議照蠢茲醜虜去年十月深犯紫荆
已遭剽刼心畜不平志將復逞自七月以來環
住宣大境外每遣輕騎陽為打牲陰圖入寇近
乃侵犯大同陽和被彼將士伐謀方入即遜職

等逆料此賊旣集烏合之衆未遂狼貪之心西
侵不利旋必東逞嚴行守邊將士十分設備所
幸軍門駐節陽和威令孔昭人心齊一指顧風
生算無遺策妖氛迅掃動中機宜至八月二十
八日前賊果爾擁衆突來連日侵犯逐堡攻衝
詎意我邊設備尤嚴官軍奮勇益力聲勢聯絡
隨侵即遏初堵截於洗馬林西小臺再堵截於
新河口水泉臺三堵截於膳房堡東空臺四堵
截於張家堡乾河口遂使虜衆數萬不得長驅

雖無斬獲之功實有堵截之力地方賴以保全
生靈免其殘害是皆仰賴我 皇上神武布昭
及軍門方略指授所致也本院事因人成謀非
已出苟免僨事之愆絕無非分之望但將士終
歲勤勞累經戰拒今幸地方無事即日解嚴若
不少加表揚何以昭示激勸是以不容於無言
也照得總兵官趙卿防邊志切督戰身先數萬
醜虜莫肆乎蹂躪之殃千里塞垣竟賴夫保障
之力巡按直隸監察御史谷嶠風紀振揚疆場

寧謐攬轡講武而閱視惟嚴聞燧督軍而號令
尤肅此勞績當首錄者也山西布按二司守巡
口北道叅議蘇志臯僉事程綬遣使布告而收
歛益周隨軍供餉而芻糧克備副總兵崔天爵
紀律亦嚴軍士自服首却賊鋒於洗馬林再合
兵威於張家口叅將祁勛設險調兵冒風霜而
不憚奮勇協戰遇強虜而直前此皆有勞於防
邊而當以功論者也遊擊呂陽戰鋒坐營都指
揮楊鉞指揮李塘正兵坐營都指揮王堂曹榮

久戍則提兵益慎每戰必率衆先登此列營之
効勞者也都指揮王鑰郝鎮范瑾洗馬林守備
王林新河口守備曹世忠先時則設險預防遇
敵則登牆力拒此擺邊之効勞者也中軍官武
鏜家丁張秀通事劉堂等督兵甚力接戰克前
此皆臨敵効勞而不可泯沒者也并前項擺邊
列營將領各有督戰勒勞合咨前上煩為施行
等因又准巡撫山西都御史曾銑咨為防邊官
軍脩守勞苦懇乞 天恩俯錫賞賚以慰下情

以勵後効事開稱山西三關外連雲朔內衛
神京東自平刑關西抵黃河東岸延袤千有餘
里徃歲因邊牆未完無險可恃戍卒難以爲守
以故醜虜乘虛動輒長驅直侵內地皮剽掠
慘不可言嘉靖二十三年四月內職奉命改
撫山西初到地方隨即會同鎮守山西總兵官
王繼祖躬臨三關閱視諸隘脩廢居半慢藏誨
盜職此之由遂督同守巡兵備等官議調太原
平陽潞州等衛所春秋兩班官軍及新設太原

苛嵐平陽潞安四處叅兵與三關各叅遊守備
官軍家丁共五萬一百七十員名太原平陽等
府澤遼汾沁等州各所屬民壯弓兵屯夫教手
等役共二萬五千六百四十二名到邊築牆鑿
壕脩頽補廢畫地分工併力協作時值防秋且
哨且脩且備且守直至秋深地凍方纔掣放今
歲春氣方融復調前項官軍家丁等項共四萬
四千二百四十三員名民壯弓兵屯夫義勇殺
虎手等役共二萬六千五百一十七名前來分

布戰守將各該新舊工程會同王繼祖督令各該官兵增築墩臺上蓋煖鋪營房有事憑高拒敵無事安插戍卒收藏軍火器械有馬官軍架梁捍防晝夜隄備是故藩籬慎密戰守有據如今歲據西路岢嵐偏頭等叅遊守備李涑等節次報稱明水灣柳赤鋪等處達賊營帳遍野煙火滿川時遣輕騎覘探虛實朝夕垂涎窺伺侵軼委因邊墻高厚我兵戒嚴無隙可乘徙營遯北三關地方底寧全晉生民獲福皆仰賴我

皇上天威遠震賞罰嚴明是以邊臣効力士卒思奮以致此也但各官兵脩守交作日無寧時三月已行徵調十月尚未掣放祁寒暑雨饑渴疲勞誠爲可憫已經具題乞將前項官軍民壯弓兵屯夫等役量分等差少爲給賞理合咨請施行等因准此又據山西按察司岢嵐兵備副使張鎬呈爲傳報聲息救獲人口頭畜事據河曲縣知縣齊恩揭帖稟稱本年八月十五日達賊約有四五萬騎從陝西黃甫川大邊入境

東漢書卷九
十一
言
搶至府谷縣栢林卯楊家寨等處相離本縣地
方止三五里職差兵快傳諭沿河一帶地方保
正總小甲水手人等先將船隻盡捲東岸但係
衝要去處責令鄉夫各執器械擺守堵截仍令
居民人畜各入堡寨防範又蒙曾都御史委義
民官王介王總兵官差旗牌從偏頭關迤西拘
集鄉兵及蒙本道撥發兵馬俱在沿河按伏堵
截十七日達賊在於黃河西岸攻打栢林卯王
化等山寨職同王介率領家人趙銳等并本縣

兵人及火器手劉意等五百餘名奮勇前去救
護賊見兵到棄寨俱來河岸迎敵職等即令火
器手擊打搖旗吶喊各賊站立不住荒張退避
職當選銃砲水手與同王介隨帶家人趙銳等
撐駕船隻前去西岸將人口頭畜盡數渡過東
岸又分投差人著令沿河一帶地方遇有陝西
避虜人畜到岸即令撐船救渡連日共救渡過
府谷縣民王仲先等男婦四百四十五名口馬
騾牛驢羊六百六十五疋頭隻十八日申時分

灰溝營守河十墩達賊各騎產馬赤身浮河過
至河中景良灘上隨有墩軍并原設鄉夫水手
瞭見當即放砲各夫撲去河岸追趕賊方浮回
去訖等因到道案照先奉軍門并撫按衙門明
文已該本道通行隄備去後今據前因爲照明
水灣柳赤鋪係偏老迤北地方即黃河之東畔
離邊僅二百里相去陝西清水營黃甫川亦二
百餘里且偏老爲山西西北極邊重地止隔一
牆內即苛嵐地方較之寧武鴈門二關尚隔大

同一嶺者利害相懸今茲醜虜一向盤據其地
逼近我邊連營往牧志在搶掠乘隙擣虛欲犯
苛嵐則先遣輕騎以探偏老之虛實遙見我邊
有備乃爾歸遞渡河搶掠陝西又遣零騎以探
腹裏之虛實則其垂涎苛嵐之心蓋未嘗忘也
幸我隄防有素隨在屯兵故知縣齊恩委官王
介聞警即至首挫其鋒且大獲其虎視之衆人
口計四百餘牛羊計六百餘是不惟使賊不能
入境保全吾人而救濟之功鄰封之民且仰之

若父母矣蓋皆由軍門赤心體

國調度得

宜銳志吞胡戒諭詳至之所致巡撫山西曾都御史既竭心思備無不預密授方略動出萬全懲得體人爭自効而總兵官王繼祖尤爲力焉然均非本職所敢僭言者所據齊恩應變之才保障之功遠近悅服上下倚賴委應重加甄錄以勵人心以需後効等因到臣案查先爲防秋事節准兵部咨行據大同總兵官周尚文會同

巡撫都御史詹榮宣府總兵官趙卿會同都御史孫錦山西總兵官王繼祖會同都御史曾銜保定副總兵成勳會同都御史蘇佑將正奇遊援官軍分布周尚文同中軍坐營領班都指揮王威李梅馬鏜指揮周廣等於滅虜堡副總兵林椿同守備焦澤徐麟劉椿劉漢張琮等於威胡堡北路叅將蕭漢同守備王璽趙綸羅偁馬繼先等於鎮虜堡東路叅將麻隆同守備尉鎮陶珍操守汪洪等於鎮邊堡遊擊呂勇同守備

劉卿張騰張偉坐營都指揮谷鍾等於破虜堡
遊擊陳鳳同守備龔業葉昂等於寧虜堡中路
叅將張潤同守備沙潮曹鎮張德鄒紀王鐘操
守尹鉉陳忠洪恩等於殺胡堡西路叅將趙臣
同守備鄭勲操守馮瀚等於迎恩堡南路叅將
張堅同守備楊棟韓綱委守王永操守孫寶趙
宣等於阻胡堡守備劉欽王浩李寶張元勲等
於陽和天城山口并各營中軍千把總管司管
隊指揮千百戶等官計三千八十餘員宣府

兵官趙卿同千總都指揮曹棠等於萬全右衛
副總兵崔天爵同守備王林李世賢黃天祥操
守喬永坐營戰鋒都指揮郝鎮宋贊董璽董暘
指揮李瑋等於洗馬林遊擊歐陽安同守備張
勇坐營戰鋒都指揮程欽江翰等於新開口遊
擊呂陽同守備曹世忠坐營戰鋒都指揮范瑾
夏杲周鏜等於新河口西路叅將祁勛同守備
李賢坐營都指揮楊鉞王鑰等於膳房堡南路
叅將劉振同守備李爵等於西陽河中路叅將

孫勇同守備潘銘操守張縉坐營都指揮康玉
周策等於葛峪口北路叅將董麒同委守周原
於龍門東路叅將左灝同守備鄭璽王臣袁正
辛昇陳鎮劉鉞等於永寧山口守備周世官周
堂孫獻策等於蔚州山口并各營中軍千把總
管司管隊指揮千百戶等官計一千九百三十
餘員山西總兵官王繼祖同守備徐洪張文坐
營指揮孟堂等於陽房口岢嵐叅將李涑同守
備李徵祥中軍指揮李澤等於偏頭關遊擊孫

臚同守備解鏞坐營指揮丘陞等於紅門西路
叅將葉滋同守備劉繼先彭棟坐營指揮錢漢
臣等於野豬溝東路叅將杜輝同守備傅紀坐
營指揮王懷邦等於廣武站太原叅將周元同
守備田琦坐營指揮許鐸彭儒李棟等於水峪
口遊擊王鏜同坐營指揮黃龍李惟聰莊文等
於北樓口平陽叅將沈一元同坐營指揮顧光
業張銳楚冕等於凌雲口潞安叅將李忠同坐
營指揮何堯卿朱玉趙鎮胡田於平刑關并各

營中軍千把總管司管隊指揮千百戶等官計二千三百七十餘員保定副總兵成勳同千總王芝馮登劉淮劉春等於保定叅將程棋同把總坐營王昇柴芝盧芝丁時尹達趙吉劉煥於紫荊關叅將盧鉞同都指揮白蘭陳奇田証唐儒於倒馬關守備楊汝棟於河間指揮楊璋於定州并各營中軍千把總管司管隊指揮千百戶等官計六十餘員各照地方駐劄有馬官軍列營待戰無馬者循墻擺守該臣叅酌批行遵

依并將延寧遼東客兵遊擊陳言頰臣高秉元郭都部下官軍分布要害往來策應及坐委山西布按二司分守口北道叅議蘇志臯於宣府鎮守巡冀北道叅議李磐僉事江南於大同鎮守嶺兵備副使張鎬鴈門兵備副使劉璽冀寧道僉事蒲澤於三關各管地方監理兵餉譏察姦弊并節選差旗牌官齎執令旗令牌分投前去各鎮各營督陣遇警儘力堵遏攻殺以保地方去後續准兵部咨為傳報緊急聲息事該

兵部議擬候 命下行與總督撫鎮等官嚴督
各該將領協謀堵截使虜不得長驅乃爲上策
當查近例以保障之功奏 請陞賞等因題奉
聖旨這禦虜機宜便行與總督撫鎮等官嚴督
各該將領協謀併力隨賊向往奮勇堵截務使
醜類大遭挫衄地方無虞朝廷自有陞賞以酬
其勞如或因循畏縮致誤軍機定行從重治罪
不饒收斂人畜亦係臨時急務各該地方早爲
著實舉行欽此欽遵備咨前來又經通行訖本

年八月內大舉逆賊侵犯鐵裹門鶻鴿峪陽和
川地方官軍敵殺虜衆宵遁節該 臣具 題下
之兵部議覆題奉 聖旨這堵截虜寇功委可
嘉翁萬達周尚文詹榮各賞銀五十兩紵絲四
表裏寫勅獎勵待擒叛事情一并議陞陣亡各
官員人等奮忠死難朕甚憫恤張鳳准復叅將
王邦直贈都指揮僉事仍各廕一子與做千戶
世襲劉欽李瓚李尚倫紀承武復職贈官襲陞
都依擬成諧王萬臣王國順俱贈指揮僉事還

廕一子與做百戶世襲張寔尹秉衡等各賞銀三十兩張達火力赤遇缺推用王陞何堂各准贖罪立功其餘都依擬行欽此欽遵外查待彼時効勞人員如叅議李磐僉事江南叅將蕭漢遊擊呂勇原任總兵官今聽用都指揮沈希儀中軍都指揮同知麻宗原任副總兵今充軍立功徐珏等臣原疏內開後防秋事畢另行甄錄以故本兵擬議姑候未及又節據臣原差旗牌官王官趙宣康禮王璽楊剛王振等稟稱本年

八月二十七日至九月初二日連被達賊或三四百騎或一二千騎或擁衆約三四萬窺伺衝突膳房堡新開新河口張家羊房等口職等遵依軍門鈞令及節次指授方略監同總兵官趙卿副總兵崔天爵遊擊呂陽叅將祁勛及各都指揮以下等官隨賊向往各用銃砲鎗刀弓矢屢次拒敵趙卿晝夜跟襲提調堵截戰守五六日間甲不解體夜不即枕叅議蘇志臯先蒙軍門坐委監軍節有嚴令及親自徇勞軍士感激

其餘將領俱各用命又蒙軍門調取客兵遊擊
陳言拍馬到於羊房口遊擊郭都到於葛峪口
遊擊顏臣亦到鎮城我兵勢愈聯絡賊今已遯
地方並無驚擾等因案候問今該前因臣惟宣
大三關爲畿甸北戶虜寇之患上歷宸衷今
歲防秋屢蒙降旨申勵闕臣讀者悚感本兵
又仰贊盛略籌畫安攘罔不備悉部檄傳布
一日之間或三四至凡百將領奉以周旋故能
保此封疆無他患害大同賊入而即逃宣府賊至

而未入三關有備亦同底寧臣本無能幸獲免
罪徒藉人力敢叨天功近以陽和退賊之故
過冒恩賞及除大同總兵官周尚文都御史
詹榮等亦已同被厚恩山西總兵官王繼祖
該臣另奏以勞贖罪開支俸薪叅將麻隆守
備劉欽王浩各因怠事節經叅劾保定係腹裏
地方防秋人員不敢槩議宣府山西前項効勞
如旗牌官王官等義民官王介家丁通事張秀
等臣從便宜徑自犒賞外爲照宣府鎮守總兵

東漢書卷九
官趙卿廉敏治軍嚴勤申令身先士卒閱六日
而並不釋鞍力抵兇疆經四戰而終能却虜協
守副總兵崔天爵夙有沉謀最能料敵合兵而
屢挫賊鋒分守西路叅將祁勛畫險而守鼓衆
先登努力而共銷邊關遊擊呂陽坐營都指揮
楊鉞王鑰郝鎮范瑾曹崇王棠指揮李瑋守備
王林曹世忠中軍官武鏜列營提兵奮勇而相
爲犄角登墻接戰同心而不避險艱大同北路
叅將蕭漢遊擊呂勇聽用都指揮沈希儀中軍

都指揮麻宗充軍報効原任副總兵徐玉開關
從事遇警旣宣力於一時惕勵防秋弭虜亦同
功於諸將以上皆効勞有功武職官員所宜以
次錄者也宣府巡撫都御史孫錦先期而慎固
邊畫臨敵而不振兵威雖狡胡之狼突劇於去
年而我師之凱旋全資多算山西巡撫都御史
曾銑憂時設險治器明戎心與身勞百無一缺
抗稜三晉賊亦憚其先聲作扞二年功實收於
不戰巡按直隸監察御史谷嶠慮邊而屢申戒

東漢書卷九
備聞寇而親度便益遣察甚嚴責成斯在巡按
山西監察御史陳豪獨持風裁而懋著奇猷注
意戎機而躬歷荒徼山西布按二司分守口北
道叅議蘇志臯承委監軍而機權應變冀北道
叅議李磐隨軍督餉而處置得宜岢嵐兵備副
使張鎬揆地設坊授謀濟難分巡冀北道僉事
江南籌邊而素有雅心口北道僉事程綬防患
而不遺餘力河曲縣知縣齊恩有禦侮之才得
救鄰之義以上皆効勞有功文職官員所宜以

次錄者也再照宣大三關防秋一應官員在邊
半年與軍士同苦而官者又軍士之率也三鎮
軍士近已荷蒙 聖慈憫念 頒賞有差而官
員尚未之及豈獨厚於軍而故薄於官邪竊意
勞當同賞而時固有待隨查得三鎮官員除前
項周尚文趙卿等諸臣之外其副叅而下至千
百戶及文職官共約七千三百餘員俱係有勞
邊事相應一體示勸者內如鴈門兵備副使劉
璽分巡冀寧道僉事蒲澤拓慮殫謀素多勞蹟

東漢書卷九
三
三百五
即與蘇志臯等同錄似亦宜之大同副總兵林椿悉心經畫足抗強胡遼東延寧遊擊郭都陳言顏臣高秉元奉檄驅馳靡有寧日及坐營都指揮谷鍾之拒賊於雙溝中軍指揮周廣之勒兵於弘賜即與呂陽等同錄似亦宜之蓋人臣之義雖不當有希企之心然近者部議重以保障為功而我皇上肆有地方無虞朝廷自有陞賞以酬其勞之旨將士相傳踴躍忻動皆以綸命方新虜不入寇防秋畢事恩必不

虛故憫勞成信慰群情以需後功自是聖明經邊馭世之至務也如蒙乞勅兵部查議將前趙卿等分別錄賞劉軍等并一應防秋官員亦量加賞資使均霑公溥之恩又不失輕重之等將益感激而思奮矣謹題請旨

邊將感恩知勵懇乞宥過以期後效

疏

准巡撫山西都御史曾銑咨稱今歲醜虜大舉

聲勢猖獗爲謀詭譎尤異往昔本年七八月間
節據報稱大青山等處達賊住牧甚多東勝州
川柳赤鋪一帶賊營益廣睥睨垂涎且時遣輕
騎覘探虛實總兵官王繼祖欽遵兵部題奉
恩旨并軍門鈞令嚴督各該將士擐甲操戈晝
夜防禦摠忠効力謀勇居多以故醜虜無隙可
乘畏威遁北三關地方于今底寧况燒荒已畢
邊境晏然所據本官俸薪似應俯從 請開以
廣自新之路准此又據鎮守山西總兵官王繼

祖呈稱即今十月將終地方寧靜軍民安妥本
職叨任遠方離家往返四千餘里丁口衆大止
靠俸薪以充贍養今革將及二年實爲寒苦伏
望憫念革俸日久乞照前例早爲具 題開支
等因到 臣 卷查先准兵部咨該巡按山西監察
御史侯度題稱鎮守山西總兵官王繼祖到任
未及三日閉門託病不出差醫診視六脉平和
原無內患不得已方出任事乞要將王繼祖暫
行住俸姑令戴罪殺賊果能克樹奇功准行贖

罪儻或僨事從重處治等因該本部覆題奉
聖旨王繼祖詐疾避事本當拏問重治念係防
秋之際姑著革了俸戴罪殺賊立功贖罪若再
僨事奏論如法欽此欽遵備咨前來行令欽遵
訖續准兵部咨該前總督侍郎張漢巡撫山西
都御史曾銑巡按監察御史陳豪各會題前事
該本部議擬合無移咨總督侍郎翁萬達巡撫
都御史曾銑轉行總兵官王繼祖嚴督各該將
領操練人馬嚴謹烽埃如遇賊有侵犯聲息相

機戰守務使軍威大震果不敢犯直待防秋十
月以後地方寧靜本官俸薪許聽總督大臣具
奏照例開支等因覆題奉 聖旨是欽此欽遵
備咨到 臣 已經行令本官欽遵去後今該前因
為照總兵官王繼祖明於治兵亦能和衆論者
謂其有良將才頗不易得以上 臣 所查訪本官今
年防秋始於五月而終於十月殷憂勞苦往來
驅馳於垣塞險阻之間宣威效猷能使胡虜不
窺三關而晉人獲有寧宇者謂非其保障之力

不可也而陽和鐵裹門之警聞令即趨遙接聲
援雖賊退師旋未及邀戰要之非逗撓者亦可
錄也本官託疾之繆出於一時悔罪之心將及
二載無養廉之資而能存不貪之行人每難之
況有前項防秋之功在他將尚當議賞本官似
固足以自贖也巡撫曾銑謂宜復其薪俸責效
將來亦猶區區臣愚之意耳伏望 皇上軫念
邊臣 勅下該部再加查議將王繼祖薪俸行
令開支則往過蒙 宥常祿爲恩本官前于此

音 既已有所懲而後于此當益知所勵矣謹題請

恭 賀廟建疏

邇者 皇上鼎建 宗廟工成 特廣推仁之
惠布于天下 臣伏讀 詔書稽首頓首稱 賀
者伏以 聖人在位當百年制作之期 天子
建中新 一代尊崇之典爰因心而廣孝廼由親
以及踈盛際希寥 殊恩曠蕩茲蓋伏遇
皇帝陛下克敬克仁善繼善述窮神知化禮必

本之 淵衷稽古酌今議猶參之輿論仰承
 天命俯察地宜 左昭右穆之義明肆前期而
 歲事趨事赴工之來亟逮不日而依功因舊為
 新閱規再締飾華增美偉構通嚴允矣極其情
 文非直侈之觀示蓋盡倫而盡制式饗 祖而
 饗 親虔致精禋祗昭馨德歛神明之多福敷
 寰宇而不私 赦惟青莪而蠲其逋負 孝能
 錫類而降於本支澡滌瑕疵牖民衷於皆善綏
 懷品庶道 帝祉以咸休慶洽幽明歡同中外

備叨鄉貳繆統邊維進佩 恩章徒深慶賴
 猥膺 寵數益切兢惶拜隔 清塵思獸儀而
 率舞望遲 仙躔慚雀躍以趨趨敢不圖勉忠
 獻張皇師旅身未填壑詎忘狗馬之勤志在捐
 軀欲洗犬羊之穢庭空塞盡淚壘撤郊圻期少同
 於駭奔庶不虛于鴻施 無任欣抃屏營之至
 謹具奏 聞

謝 恩疏

嘉靖二十四年十一月初七日該臣原差奏事

承差李紹芳齎捧獎勵 勅諭一道內開 勅
總督宣大偏保等處軍務兼理糧餉兵部右侍
郎兼都察院右僉都御史翁萬達近該爾等題
稱本年八月內達賊擁衆節次侵犯鐵裹門鶻
鴿峪陽和川等處爾能躬臨戰陣督調官軍併
力堵截攻戰賊屢進屢却遭挫回還具見爾盡
心體國區畫有方又且身先士卒不避艱險使
人咸効力功可嘉尚除候勘明另行議陞外茲
特賞銀五十兩紵絲四表裏降勅獎勵以酬

其益固謀猷永保地方以紓朕北顧之憂
其欽承之故勅欽此該本役齎 欽賞銀
五十兩紵絲四表裏到 望 闕叩頭捧讀祇
領外 臣聞昔者明王雖嘖笑猶愛而錫予不輕
况棄用敷言賞或兼物必其足以勸也礪世磨
鈍率由茲道 臣近軍于陽和會嘗退虜保茲境
內遠邇不驚寔上藉 廟謨下資羣策非 臣之
力所能庶幾 臣竊量已又嘗慮賊先威不杜其
覬覦戰陣未收于斬馘方深慙惕恐辱封疆前

自疏列本出胷臆得蒙 寬宥不為禍先 臣之

始望尚不至是乃若 汗渙絲綸傳於 天上

輝煌筐篚出自 禁中嘉命寵儀並示希

曠自非功均柱地業類補天如 臣 區區詎宜叨

竊恭惟我 皇仁聖注意闡 臣 妙運機權思濟

艱大不適小青寧為 謬恩 臣 寔無功徒邁多

幸雖馮異奮翼璽書降褒郭况席榮金幣駢錫

方 臣 所荷未足為泰既難 辭免益用兢虞佩

訓比之韋弦懷惠重於山岳撫臆誓志圖報

帝私命輕鴻毛義足灰沒至如候勘議陞之

諭愈出望外豈復敢 承 臣 無任感戴殞越之

至

及時修武攘夷安夏以光 聖治疏

准提督鴈門等關兼巡撫山西地方都察院右

副都御史曾銑咨稱據山西按察司鴈門等關

兵備副使劉璽呈開委官太原府岢嵐州知州

馮友保德州知州王朝珍等公同布政司照磨

王澤遼州同知濮江等管理工程經放錢糧先

自嘉靖二十三年六月初一日起至本年九月初十日止後自嘉靖二十四年三月初五日起至本年八月初九日止二年共計二百五十四日創脩完東自老營堡丫角墩起西至滑石澗水門墩止邊牆共一萬六千六百二十九丈二尺約長九十餘里高二丈底闊二丈收頂一丈三尺攔馬牆五尺挑完壕塹一萬五千四百五十二丈八尺約長八十餘里深二丈及一丈五尺以上口闊二丈及一丈五尺底闊五尺以上

品窖三千箇隨牆創築敵臺四十四座上蓋煖鋪房六十二間墩臺一座羅漢洞一座天棚煖鋪房一間石砌水口一座長一十丈高二丈四尺太原府通判黃棟管理工程經放錢糧自嘉靖二十三年四月初七日起至本年六月三十日止計八十三日補修完西自馬蘭口起東至平刑關止邊牆長澗高下不等計長七千二十三丈約長三十九里挑完壕塹一道長四百六十六丈五尺約長二里有奇深一丈口澗八尺

東海集卷九
底濶六尺品窖一萬六千九百四十五箇創築
敵臺五座上蓋煖鋪房各三間共一十五間平
刑關堡內創蓋營房五十八間崞縣主簿高崇
勲管理工程經放錢糧自嘉靖二十三年三
月初十日起至本年七月二十八日止計一百三
十八日補修完東自石湖嶺起西至野豬溝止
邊牆長濶高下不等計長一千二百一十一丈
一尺約長七里剝濬壕塹一道計長二百一十
丈一尺約一里有奇深一丈二尺口闊一丈底

闊八尺品窖一萬六千八百二十二箇創築敵
臺二十八座上蓋煖鋪房各三間共八十四間
圪堵確堡內創蓋官廳一所安架營房四十間
石砌水口三座鴈門關指揮李周管理工程經
放錢糧自嘉靖二十三年三月三十日起至本
年七月初二日止計九十二日補修完東自胡
峪口起西至鵬窩梁止邊牆長闊高下不等計
長九千七百五十三丈四尺約長五十四里有
奇挑完壕塹一道計長一十二丈八尺深一丈

二尺口闊八尺底闊六尺創築敵臺二座上蓋
煖鋪房各三間共六間山西都司副斷事曲寔
太原前衛經歷于龍等管理工程經放錢糧自
嘉靖二十四年四月二十二日起至本年九月
二十日止計一百四十八日創築完西自凌雲
白菜樹溝起東至太安嶺口閻家嶺止土築邊
牆長八千一百二十三丈約長四十五里有奇
底濶二丈收頂一丈五尺斬削崖牆二千四百
四十丈約長一十三里有奇俱高連朶口牆二

丈五尺整整石壕一道長一十九丈二尺深八
尺濶六尺創築敵臺一十八座上蓋煖鋪房各
三間共五十四間古州史目李繼賢等管理上
程經放錢糧自嘉靖二十四年四月十八日起
至本年六月二十日止計六十二日創用石砌
完石廟兒視遠隘口迤北起至周家山止邊牆
長六百九十丈約四里底濶一丈六尺收頂一
丈二尺高連朶口牆二丈一尺接連視遠隘口
迤南起至樊家窯止幫砌完舊日用石浮梁低

薄不堪牆七百七十一丈約四里有奇裏口幫
砌五尺接高五尺頂濶一丈二尺吉州同知李
顯仁臨汾縣千長王松管理工程經放錢糧自
嘉靖二十四年五月二十六日起至本年七月
二十七日止計六十一日創用石砌完利民堡
勒馬溝起至八角堡界牌迤東官廳止邊牆長
五百三十九丈約三里底濶一丈六尺收頂一
丈三尺高連朵口牆二丈三尺石包砌敵臺六
座上蓋煖鋪房各三間共一十八間河曲縣知

縣齊恩公同偏頭關守備李徵祥管理工程經
放錢糧自嘉靖二十四年八月十九日起至九
月二十日止計三十一日補修完自西黃河樺
林子起唐家會止邊牆長一千一百六十六丈
二尺約六里有奇內土築牆一千八十六丈二
尺石砌牆八十丈石砌水口二十二座挑完壕
塹一道長三千五百五丈約一十九里有奇品
窖三萬六千六百四十九箇創築敵臺四座上
蓋煖鋪房四間樓子營創蓋官廳一所馬蓮大

峪趙家沙坡水口四座唐家會軌券水門一座
石包砌敵臺一座上蓋懸樓一座汾州同知何
萬春文水縣主簿趙鶚等公同北樓口遊擊王
堂管理工程經放錢糧自嘉靖二十四年三
月初八日起至本年十月初二日止計二百零五
日創修完北樓口堡一座周圍牆長四百二十
七丈八尺底濶二丈五尺收頂一丈五尺高連
朶口牆二丈七尺北門越城一座周圍牆長二
十五丈五尺底濶一丈六尺收頂九尺高連朶

口牆二丈三尺堡內創蓋營房三千間券完南
北城門二座襄陵縣縣丞孫良洪洞縣主簿柳
仲陽公同平刑關守備田琦管理工程經放錢
糧自嘉靖二十四年四月十五日起至本年十
月初七日止計一百七十三日創修完平刑關
堡一座周圍牆長三百三十六丈底濶二丈五
尺收頂一丈五尺高連朶口牆二丈八尺券完
南北城門二座東小水門一座堡內創蓋大小
官廳二所營房一百四間倉房九間原任叅將

李珍分守苛嵐叅將李涑督同偏頭關守備李徵祥西自李涑原任地方接連偏頭關老牛灣黃河東岸起至水泉營紅門隘口止增築完敵臺一百一十五座每座周圍二十二丈收頂三丈五尺高連朶口牆三丈上蓋煖鋪房各三間共三百四十五間老營堡遊擊孫臆督同守備解鏞西至紅門隘口起東至野豬溝止增築完敵臺一百七十八座每座周圍一十六丈收頂三丈五尺高連朶口牆三丈上蓋煖鋪房各三

間共五百三十四間補修完邊牆三百九十七處各長濶高下不等計長二萬二千四百五十九丈九尺內土築牆一萬八千三百三十三丈約長一百餘里石砌牆二千四百九十六丈約長一十四里斬削崖牆一千六百三十丈九尺約長九里有奇石砌水口四十四座分守西路叅將葉滋督同八角堡守備劉繼先利民堡守備彭棟西自野豬溝起東至石湖嶺止增築完敵臺九十二座每座周圍一十二丈收頂三丈

高連朶口牆三丈上蓋煖鋪房各三間共二百七十六間補修完邊牆三十五處各長濶高下不等計長一千二百七十八丈內土築牆七百三十八丈約四里有奇石砌牆五百四丈約二里有奇暗門二座石砌水口三座鎮守總兵官王繼祖除總理工外又督同神池堡署守備原任指揮僉事時元寧武關守備張文西白石湖嶺起東至鷓窩梁小西溝止增築完敵臺八十六座每座周圍一十六丈收頂二丈七尺高

連朶口牆三丈上蓋煖鋪房各三間共二百五十八間補修完邊牆五十八處各長濶高下不等計長一千一百九十五丈四尺約六里有奇挑完品窖七萬六千二百二十四箇石砌水口一十一座水洞三座暗門二座石砌山寨一座周圍牆長四十丈高一丈五尺土寨一座周圍牆長四十二丈高連朶口牆二丈二尺原任分守東路叅將李琦并今任叅將杜輝督同廣武站守備傅紀西自夾柳樹西界小西溝起東至

水峪口鴉兒崖止增築完敵臺一百座每座周圍一十六丈收頂二丈七尺高連朶口牆三丈上蓋煖鋪房各三間共三百間補修完邊牆一百九十二處各長濶高下不等計長二千七百一十六丈九尺約一十五里有奇暫署分守太原叅將營事都司崔憲并本營叅將張紳西自水峪口鴉兒崖起東至馬蘭口東界霍家坡止增築完敵臺九十六座每座周圍一十六丈收頂二丈七尺高連朶口牆三丈上蓋煖鋪房各

三間共二百八十八間補修完邊牆五百一十處各長濶高下不等計長一萬三千二百一十六里有奇懸樓一座挑完品窖五萬四千八百四十箇北樓口遊擊王堂西自霍家坡起東至凌雲口界黃沙坡止增築完敵臺八十一座每座周圍一十二丈收頂二丈五尺高連朶口牆三丈上蓋煖鋪房各三間共二百四十三間補修完邊牆四十三處各長濶高下不等計長七百五十丈約四里有奇挑完品窖七千九百

箇分守平陽叅將沈一元督同平刑關守備田琦西自凌雲口西界黃沙坡起東至長柴嶺與太安嶺盡境及葫蘆頭橫牆止增完敵臺五十四座每座周圍十二丈收頂二丈五尺高連朶口牆三丈上蓋煖鋪房各三間共一百六十二間補脩完石牆五處各長濶高下不等計長二十丈五尺斬削崖牆五百丈約二里有奇挑完品窖六千九百二十四箇分守潞安叅將李忠西自太安嶺起東至平刑關三嶺子盡境止增

築完敵臺八十九座每座周圍一十二丈收頂三丈高連朶口牆三丈上蓋煖鋪房各三間共二百六十七間補脩完邊牆一十八處各長闊高下不等計長七十三丈二尺挑完品窖一萬四千七百四十八箇以上共創補修完土築邊牆共七萬七千六百四十四丈四尺約四百二十餘里石砌邊牆五千一百丈五尺約長二十八里有奇斬削崖牆四千五百七十丈九尺約長二十五里有奇土築敵臺九百九十二座石

東漢書卷九
三
包敵臺七座墩臺一座石寨一座土寨一座營
房煖鋪六千八十二間官廳四座挑完土壕一
萬九千六百四十八丈二尺約長一百里有奇
鑿修石壕一十九丈二尺挑完品窖二十三萬
四千五十二箇石砌水口七十四座倉房九間
水洞三座羅漢洞一座暗門四座懸樓二座土
城二座輒包城門并樓四座水門一座除防邊
軍壯自有本等行糧外其雇募夫匠并調取借
班軍壯支用過工食口糧鹽醬及犒賞鹽蒜等

項共用過京運修邊并本鎮贓罰銀共五萬七
千五百七十七兩九錢二分二釐八毫四絲三
忽八微一塵俱經 欽差查盤給事中李文進

監察御史趙炳然委官踏勘弓取卷簿查明等
因到職切惟修完前項邊工有牆有壕有臺有
善煖鋪營房暗門水口俱各堅好形勢聯絡藩
屏周圍近於防秋之期分布軍壯人役多設軍
火器具延袤千里地利人力堪資保障今年七
八月間節據西路岢嵐等叅遊守備等官葉滋

東漢書卷九
三九

等陸續報稱東勝州明水灣柳赤鋪等處達賊營帳遍野煙火滿川盤住日久垂涎侵軼時遣輕騎更番窺伺委因總督軍門申飭號令我兵加謹邊牆高厚軍器火藥事事有備虜遂徙營北逃此皆仰賴我皇上威德及遠神武不殺之所致而本兵之臣仰贊 皇猷修邊足兵機宜備悉戶部之臣請發帑銀先事足給趁時負買故工程得以蚤完保障恃以無恐非偶然也夫趨事赴工固臣子之分所當爲但各人員

先後在邊風餐露宿處於荆棘之中以竭築鑿之力日課月程備歷艱苦若不題請錄賞無以激勸將來爲照鎮守山西等處地方兼提督代州三關總兵官前軍都督府都督僉事王繼祖材識練達操履公勤間關道路上下山坡身親土木之功志切保障之計謀勇兼稱邊關咸底輯寧號令嚴明將士悉遵約束山西按察司鴈門等關兵備副使劉璽岢嵐兵備副使張鎬分巡冀寧道僉事蒲澤同心却虜合力衛民夙

夜在公豈畏寒暄之苦黽勉就列致忘寢食之時用收保障之功無忝屏翰之寄與王繼祖俱應首錄者也巡按監察御史陳豪查盤給事中李文進監察御史趙炳然目覩創殘之地心切安攘之圖稽查錢穀嚴明莫敢或欺振揚風紀貞肅舉知惕勵協擒妖逆掃除禍階遍歷邊關跋涉險阻厥功亦宜次錄者也中間如陳豪者昔巡湖廣已效顯陵之勞今按山西不憚窮邊之苦又不但以邊方工程例論也再照前巡

撫山西右副都御史陳講志切先憂力扞後患其修邊之功見經巡按監察御史陳豪勘報恭候 聖裁不敢重舉如接管巡撫右副都御史劉臬右僉都御史李珏先任山西布政司右叅政今陞都察院右僉都御史蘇佑張子立前巡按山西監察御史侯度心同報 國計協殄夷工或興而去任邊未就而交代如原任山西布按二司右叅政三關備用今閑住胡松分守冀寧道右叅政王揚鴈門等關兵備副使王鎬并

僉事常時平趙瀛見任總理三關糧儲戶部主
事尹綸或錢穀之攸關或經營之贊助事雖有
間共効勤勞以上各官俱應賞賚者中間如胡
松之焦勞匪懈建白周祥三關備用而未盡其
用一旦投閑不無可惜尤宜甄拔以勸臣工者
也除具題外今將管理工程兼放錢糧文武
官員理合開坐計開先任山西太原府岢嵐州
知州今調本府忻州知州馮友保德州知州王
朝珍太原府通判黃棟河曲縣知縣齊恩遼州

同知濮江山西布政司照磨所照磨王澤山西
都司斷事司副斷事曲寔太原前衛經歷司經
歷于龍守備偏頭關地方以都指揮體統行事
指揮使李徵祥守備山西八角堡地方以都指
揮體統行事指揮使劉繼先以上各官或綜理
工程或出納錢穀雖職任大小不同咸承委脩
邊勤勞匪懈均宜加賞內知州馮友王朝珍知
縣齊恩則又經營二年皆身臨極邊不畏險難
似宜量陞俸級原任右叅將革任閑住孫廷相

原任分守山西東路等處地方左叅將今陞協
守延綏副總兵李琦見任分守山西東路等處
地方左叅將都指揮僉事杜輝分守山西西路
地方右叅將都指揮僉事葉滋暫署山西太原
叅將事山西都司署都指揮僉事崔憲分守山
西太原等處地方左叅將都指揮僉事張紳原
任分守山西岢嵐石隰等處地方叅將今革任
李珍見任分守山西岢嵐石隰等處地方右叅
將都指揮僉事李涑分守山西平陽等處地方

右叅將都指揮僉事沈一元分守山西潞安等
處地方右叅將都指揮僉事李忠山西北樓口
遊擊將軍署都指揮僉事王堂山西鴈門等三
關遊擊將軍署都指揮僉事孫贖守備山西老
營堡地方以都指揮體統行事指揮使解鏞守
備平刑關地方署都指揮僉事田琦守備寧武
關地方以都指揮體統行事指揮僉事張文守
備山西利民堡地方以都指揮體統行事指揮
僉事彭棟守備山西廣武城地方以都指揮體

統行事指揮僉事傅紀署神池堡守備原任指
揮僉事時元原任偏頭關守備後陞潞安叅將
今革任袁潔鴈門守禦千戶所納級指揮僉事
李周平陽衛指揮僉事李勳北樓口把總千戶
羅繼先振武衛千戶胡剛夏鎮本衛百戶黃雲
汾州同知何萬春吉州同知李顯仁絳州判官
文奎石州判官孟曙陵川縣縣丞李寶襄陵縣
縣丞孫良崢縣主簿高崇勳文水縣主簿趙鶚
洪洞縣主簿柳仲陽吉州吏目李繼賢平陸縣

典史張鯤黎城縣典史張太器臨汾縣千長王
松以上各官或分布架梁而防範不失或監修
牆堡而工程無弊比之馮友等功雖有間皆從
事勤勞亦宜量賞等因并將造完修過工程用
過錢糧等項數目緣由文冊到臣案查臣到任
之初准兵部咨前事該本部議擬合無行總督
侍郎翁萬達督同各該鎮巡從長勘議將各分
屬地方備查何處衝要即時先修何處偏僻以
次漸舉合用工匠夫力從便雇募甄灰柴草就

近採取燒用通算合用銀米若干一面先將各鎮堪動錢糧動支其不足之數明白開具奏請本部與戶部區處解發應用等因具題節奉聖旨山西宣大等處地方還行與翁萬達同各撫鎮等官議處具奏定奪欽此欽遵備咨准此彼時該_臣查得接管卷內一件為預陳邊計以備虜患事准兵部咨該提督鴈門等關兼巡撫山西地方都察院右僉都御史李珏題內一款應修邊隘查得滑石間老牛灣水泉營等處邊

牆年久頽廢不堪保障欲動支代州庫收貯脩邊支用未盡并布政司收寄戶部發到補還募軍借用過脩邊銀兩脩築邊牆增蓋營房添築墩臺等項通完備細造冊 奏繳青冊送部查考等因該本部議擬備咨前來已行該鎮脩理未據完報一併咨行巡撫衙門會同總兵官行委各該守巡兵備等官親詣所屬沿邊一帶公同各該叅遊守備等官逐一相度要見某處應該築砌墻垣或斬削偏坡或填塞狹隘或挑挖

壕塹或築立敵臺或增添墩堡或舊日修築低矮窄薄今應接幫高厚者就便計料應修應築工程丈尺若干合用工匠人夫若干作何派撥甄灰柴草堪否就近採取燒用或作何設處作速施行去後隨又該臣親詣山西會同巡撫都御史曾銑督同總兵叅遊守備等官沿邊閱視有經前巡撫都御史陳講劉臬李珏督砌牆垣中間尚少敵臺營房煖鋪者或原未有邊牆者有雖嘗脩築而卑薄或雨水淋衝傾頽坍塌者

有應該斬削備坡并蹊徑間道水溝等項可以通行人馬往來者俱已該都御史曾銑動支京運修邊并贖罰銀兩行委守巡兵備等官雇募夫匠脩理並復相與指授規畫申嚴賞罰以勸懲勒情及看得該鎮地方西北自偏頭關水泉營起東南至平刑關止沿邊一帶牆塹門數少相離寫遠恐遇警急兵馬迎敵出入不便帖仰總兵官士繼祖會同巡撫衙門計議相度整頓間又准兵部咨該工科給事中何雲鴈題為

乞亟安內以隆 聖治以圖攘外事內開一嚴
責實以脩邊防伏願 聖 勅各邊總督等官今
後興工修理務須躬為經略責委廉能公正官
員督率大匠必求高厚堅固毋得苟且報完其
餘築完處所各勒石刻名於上守巡某人管工
官某人工匠某人 勅行各該巡按巡關御史
不時關視如五七年之內一有倒塌即便查照
原刻指名叅治仍責令自備工食修補官雖陞
遷去任在所不貸匠雖歲遠人易亦所必究等

因該本部議擬題奉 欽依備咨前來又經道
行欽遵著實舉行去後今准前因除將都御史
曾銑送到造完脩邊文冊另行 奏繳外為照
都御史曾銑咨稱前項脩邊効勞有功人員如
所叙列王繼祖劉某等及所開坐馮友孫廷相
等俱各詳當既經具 題 臣 不敢重複論 瀆
但惟三關牆塹增舊創新延長幾五百里皆完
厚陡峻溝濠坑窖深濶相乘營壘牌臺校聯不
絕設險已盡地利觀者稱為壯圖使常戍之兵

東漢書卷九
不致敝缺則固可以杜胡虜之衝突厝全晉於
永寧也諸臣之功委難泯滅而思忠作幹揮擢
成能則都御史曾銑者揆方而循度相動而戒
期以身率人經畫至忘寢食以人任事程督過
於胼胝雖仄隘險蹊必在在親歷即軍火器械
亦種種可觀往秋虜不南窺未必不由茲役斯
封疆之良而 邦國之衛也本官之功尤在諸
臣之上臣故敢特言之若臣萬達去年二月方
始抵鎮心分於務繁力限於日淺山西修邊事

理未任而役已過半既任而工惟視成雖恒戒
因循不敢玩愒然僅可塞責何足云勞如蒙乞
勅該部查議都御史曾銑前項功蹟及將本官
原題効勞有功人員分別等第一併議 請甄
錄以爲邊臣明作趨事者之勸謹題請 旨